

А. Мишарина

В. Напалков

А. Некрасов

32255



КУИМ  
СЪЫЛАНКЫВ



A. MILLINGTON



B. MILLINGTON



A. MILLINGTON



*А. МИШАРИНА*

---



*В. НАПАЛКОВ*

---



*А. НЕКРАСОВ*

---



# КУИМ СЫЛАНКЫВ


Кывбуръяс



Коми книжнӧй издательство  
Сыктывкар 1977

32253

КОННИН А.



0 0 0 0 0 0

Имя фамилия и отчество  
Сыктывкар 1977

# АЛЕКСАНДРА МИШАРИНА


---

Тэ менам — кок ув му



ALBERTA TO A MINERAL

TO THE HON. CHIEF MINISTER



## ГОЖОМ

Бара мича ошкамөшка  
Кусыньтчөма мегыр моз.  
Бара тыдалоны мөсьяс  
Улич помын, көні лос.

Бара уялөны челядь,  
Гажөн тырөма ю дор.  
Бара вашкөдө тэн пеляд  
Мыйкө бурөс кыз пу кор.

## СИКТСА ЧЕЛЯДЬЛЫ

Сиктса челядь котырөй,  
Пармаса ныв-пиянөй,  
Видзвывса яр дзоридзьяс,  
Радейта ме тиянөс.

Көмтөм кока войтырөй,  
Зорөд дорө верзьөмөн  
Турун юрьяс ваялад  
Панласьөмөн, вензьөмөн.

Пажын кадө лөзөдтөдз  
Ваьсь онө петалөй.

Сейны пуксяд — вөвъяслы  
Няньтө джынсө сеталад.

Урлысь сиктөд вуджөмсө  
Ті жө медводз казялад,  
Вөтлысяд да вөтлысяд,  
Дөрөмныд тшөтш вазылас.

Өти здук он весь олөй,  
Век нин мыйкө керанныд.  
Дышөдас кө ворснытө,  
Йөлөгаос неранныд.

Сэтшөм ті мен мусаөсь,  
Пармаса ныв-пиянөй,  
Сійон гажөй бырлывлө  
Медся ёна тиянысь.

### ТӨВСЯ АСЫВ

Лөньсө торкалө көдзыдлөн швачкөм,  
Лыдтөм кодзулөсь енэжыс сэзь.  
Еджыд тшыныс кызд вывланьө гартчө,  
Аддза татысь и аддза ме сэсь.

Векни чарла кодь кельдөдөм төлысь  
Бытьтө кынмөма, турдөма дзик.  
Рөмыд уличьяс войын моз чөлөсь,  
Но оз узь нин, а дзирдалө сикт.

Морт олөмын овлөны здукъяс,  
 Кор сьөлөмтө кырышглө дой.  
 Сэк олөмыд быттьөкө сувтлас  
 Да юр весьтад пуксяс сьөд вой.

Ок, кутшөма лөсялө сэки  
 Бур сьөлөма йөзлөн пось кыв!  
 И бөр лоан долыдөн регыд,  
 Тшөтш мичмөдны кутан му выв.

### ЕЛЬ

Веж бадь увті гусьөн ичөт ёль  
 Сөстөм васө ассьыс лөня нуө.  
 Ас йывсьыс дзик некодлы оз доль,  
 А өд сыысь артмө ыджыд юыс.

### КЫВЪЯС

Эмось кывъяс рамось и зэв вөйөсь,  
 Эмось кывъяс төлкаось и йөйөсь.  
 Эмось мортөс бурдөдана кывъяс,  
 Эм и — шоглы тойыштасны сывъяс.  
 Энө шыбласьөй ті, войтыр, сійөн вывті,  
 Видзчысьөмөн шуөй петысь кывтө.  
 Пиньяс саяд кужөй видзны сійөс,  
 Лөк кывйыд өд мортөс весиг виө.

## ЛОКТО ТУЛЫС

Омлялө турөбыс, скөралө төлыс,  
Буракө, төлыслы матысмө пом.  
Лёкысла чашйысьö скөрмөм март төлысь,  
Вөв кызди тәрмасьö ордны дом.

Тулыслөн лов шыгыс век жө нин кылө,  
Лунысь-лун ёнджыка гораммө пыр.  
Сувтлы да видзөдлы керкаяс вылө,  
Кодъясөс мичмөдиc йи нёнъысь сыр.

## ШКОЛАЫН

Школа порогөс воськовтөм бөрын  
Радлун кындзи ме нинөм ог кыв.  
Уна дзоридза паськыд видз шөрын  
Тадз жө кокнявлө друг сьөлөм выв.

Вунө ставыс, а син водзын кияс,  
Бытьтө еджыдик кыз пуа рас.  
Чуймөм синъяслөн эскана бияс —  
Ыджыд туй вылө петкөдан пас.

Вунө ставыс, и сөмын мед налы,  
Сетны челядьлы ставсө, мый эм.  
Тайө синъясыс ме водзын талун,  
Накөд ачым тшөтш шудаджык ме.

\* \* \*

Видза олан, гажа тулыс!  
Видза олан, енэж шөр!  
Видза олан, югыд шонді!  
Видза олан, ловзысь вөр!

Видза олад, помтём видзьяс!  
Видза олан, кӧдзём му!  
Видза олад, еджыд кызьяс!  
Видза олан, визув ю!

Видза олан, чужан муӧй!  
Коми войтыр, видза ов!  
Мед пыр шудлун тӱян туӧ,  
Кыпыдмӧ да югзыӧ лов!

\* \* \*

Коми муӧй менам дженъыд гожӧмъяса,  
Но и сӱйӧ менам сӧстӧм пожӧмъяса.  
Коми муӧй менам веж морозъяса,  
Но и сӱйӧ менам мича козъяса.

Коми муӧй менам зэра аръяса,  
Но и сӱйӧ менам байдӧг-таръяса.  
Коми муӧй менам зыбуч нюръяса,  
Но и сӱйӧ менам сьӧла-уръяса.

Коми муӧй менам кӧдзыд вой тӧла,  
Шуда да быд уджысь повтӧм войтыра.

## МЕНЫМ УНА ОЗ КОВ

Меным уна оз ков,  
Сöмын вöлі мед код дорö пырны.  
Меным уна оз ков,  
Сöмын йöзкөд мед овны да вывны.  
Меным уна оз ков,  
Сöмын йöзыслы колана вöлі.  
Меным уна оз ков,  
Медым олөмсьыс радейтөм көлі.  
Меным уна оз ков,  
Медым вöліны орччөн пыр ёртгяс,  
Сөстөм думгяса, сьөлөма мортгяс.

\* \* \*

Тэөн шуөм дзик быд кыв мем дона,  
Дона тэнад ставнас оланног.  
Тэ вöсна мем көдзыд дырйи шоньд,  
Бокö вешйö гажтөмлун и шог.  
Тэнад нимөн шуа ассым кодзув,  
Первой лым кодь сөстөм тайö кыв.  
Ыджыд радейтөмысь меным лоö водзöс  
Тэнад югыд сөстөм сьөлөм выв.

\* \* \*

Көдзыд! Лэбачгяс лэбигас кынмöны,  
Гыөртөм парма мойдын моз чöv.  
Козлөн лапгясыс толаö инмöны,  
Весиг лөнбөма көдзыд вой төв.

Рытъя улычын музыка юралö,  
Гөгөр ворсöдчö бияслөн дзирд.  
Тайö мичлунсö синъясөн курала.  
Радла тэ вылö, ас чужан сикт.

Татчöс йöзыс öд лябны эз кужлыны,  
Удж эз повзбöдлы налысь зиль ки.  
Найö веськодя овны эз чужлыны,  
Быдөн новлöдлö сьölöмас би.

Виль во лоас мед нöшта на югыдджык,  
Радлун козыналас войтырлы мед.  
Сийö лоас мед ёна на шудаджык,  
Ваяс öтмында шуд мем и тэд.

\* \* \*

Сотис шондыс, потласис муыс,  
Мича öзимлөн кельдöдис сер.  
Косьмём лыасö тöлыс пыр нуис,  
Кымын лун нин эз войтыштлы зэр.  
И кор вөр весьтö кыпöдчис кымөр,  
Морöс тырнас дзик ышловзис му.  
Кымөр лөктис и чардөн, и гымён,  
Ыджыд төв нырысь копыртчис сю.  
Сэссия войтыштіс зэр тусь и помся,  
Быттьö ведраысь гузьöбтіс ва...  
Сьökыд артыштни зэрыслысь донсö:  
Киссис му вылö зарни и ма!

## ВОЙВЫВ ДЗОРИДЗ

Сылөн югыдлун синмө оз шыбитчы,  
Абу горзана ышнясян мич.  
Сійö зэв вылө некор оз кыпöдчы,  
Век жö, гажöдö, ловзьöдö видз.

\* \* \*

Кор тэ инмин менам сьöлөмö,  
Кор тэ воштін менсьым ун.  
Кор тэ пырин менам сьыланö,  
Ме ог помнит сійö лун.

Пырин сьöлөмö тэ тöдлытöг —  
И эн дзескөд сьöлөм жыр.  
Ола тэөн некор пöтлытöг,  
Содö муслунöй, оз быр.

## БУЖДЫСЬ КОЗ

Крут бужöд бокын быдмис мича коз,  
Ни вуж, ни сьöлөм сылөн эз вöv кос.  
А визув юыс, васö нуигтыр,  
Чав лыа берег буждöдалис пыр.  
И пöрны кöть нин козйыс кутöм,  
Но вермасьö мый вынсьыс юкöд.  
И пыр на вылын кутö асьыс юр:  
Öд олöмыд пыр дона, шань да бур.

Эз эськө шондыс тадзисö нюмъяв,  
Му вылыс вöлі пыр шуштöм да чöv,  
Вөр-ваыс унмовсис помасътöм унмөн,  
Тані кö, му вылас, муслун эз вöv.

Эз эськө кыпыдлун бордъяснас öвтчы,  
Мелілун лун тöлөн эз малав бан.  
Эз эськө бисерөн пармаыс вöччы,  
Эз кö вöv радейтöм му вылас тан.

Эз эськө мусалы кывбуръяс сины,  
Некодлы дзоридз ни сьылан эз ков.  
Эз эськө серавны, бöрдны ни сьывны,  
Эз кö вöv му вылас сöстöм любов.

\* \* \*

Медся ёна веськодьлунысь пола,  
Сытöг сöмын тыр вир-яйөн ола.  
А кор волас, сійö кöдзыд йиысь,  
И ме пышъя, кыдзи кöин биысь.

\* \* \*

Эм саридз менам — олём,  
И пыжыс шöрас ме.  
И парус — менам лолöй,  
А тöv нырыс, дерт, тэ.

Тэнад олөм эз вөв кокньыд,  
Сьөкыд кадө чужлн.  
Төдлн нянь кусөккльсь донсө,  
Уджавны тэ кужлн.

Ылі туйысь локта, паныд  
Тэрмасьөмөн петан.  
Мам, тэ сөмын сійөн озыр,  
Мый став буртө сетан.

\* \* \*

Ловзьөд, тулыс, шоръяссө,  
Ловзьөд парма-вөр.  
Ловзьөд сөстөм коръяссө,  
Ловзьөд енэж шөр.

Ловзьөд шуда мунымөс,  
Нюмъялас пыр мед.  
Видза олан, тулысөй,  
Муөдз копыр тэд.

\* \* \*

Менам сьөлөмөй бурлунөн ойдөм,  
И өбидаыс сэтчө оз төр.  
Медым менө кө кедзовтан, дойдан,  
Век жө муса тэ мен, сьөлөмшөр.

## ЗАРНИЙ МЕНАМ

Зарний менам,  
Донай менам,  
Меным тэ помасьтөм бур.  
Мунө көть ылө,  
Сьөлөмөй кылө,  
Мусаджык тэысь оз сюр.

Этшаысь шаньён,  
Овлан көть, аньёй,  
Лёкөн ме некор ог шу.  
Мичай менам,  
Сьөлөмшөр менам,  
Муса тэ мен, Коми му.

\* \* \*

Нюмъяв меным асья кыа нюмнад,  
Тувсов шонді мелілунтө сет.  
Унмовськөдлы кокньыд чөскыд унмөн,  
Сөмын менам вөтъясысь эн пет.

\* \* \*

Комынөд ар нин со  
Му вылас ола.  
Сөмын ог куж на век  
Овны, кыз колө.

Бөрө кө видзөдлә,  
Сьөлөмөй ёнтө.  
Сёрөн тай казялан  
Олөмлысь донтө.

Водзын на сьөкыдыс  
Виччысьö, чайта.  
Оз жö мед олөмыс  
Таляв көть няйтас.

Шенася сынөдас,  
Веськыд ки корся.  
Бара ог веськав кө,  
Бара кө сорся.

\* \* \*

Тэнө зарниён кө шуа,—  
Мыйла зарниыс нө меным?  
Тэнө мичаён кө шуа,—  
Он өд мичаён ло нэмыд.

Тэнө донаён кө шуа,  
Ог куж висьтавны и донтө.  
Тэнө мусаён кө шуа,—  
Тайö кывйыс менö шонтө.

Муса кө нин, сідзкө, мича,  
Радейта кө, сідзкө, дона.  
Коді уна зарни видзө,—  
Сы дорысь ме озыр ёна.

Өти тулыс мисьтөмджык кө лоө,  
 Мөдыс векджык мичаөн нин воө.  
 Өти ар кө зэраджык, то мөдыс  
 Зэртөмджыкөн, косөн лоас мөдысь.

Өти гэжөм оз кө ло зэв шоньд,  
 Мөдыс шондіаджык вермас лоны.  
 Өтчыд төлыд кузь да көдзыд воас,  
 Мөдысь татөн гажаджык төв лоас.

Олөмыд кө мисьтөм лоө тэнад,  
 Мөд олөм оз ло, өд өти нэмыд.

### ЗЭРА АР

Сутш кежлө оз кобыштлы,  
 Оз восьт синсө енэжыс.  
 Шондісө мөй кокыштіс  
 Рака чукөр енэжысь?

Свинеч сьökта кымөръяс  
 Кывтöны и кывтöны,  
 Дөзмөд, арöй, зэръяснад,  
 Сетöма тай кыв тэныд.

Коми муёй,  
сьёлёмшөрöй,  
Помтöм парма,  
гулыд ягъяс,  
визув юяс,  
паськыд видз.

Гажа нöрыс,  
зыбуч нюръяс,  
еджыд кока  
винёв кыдз,

Гöгрöс тыяс,  
зэра аръяс,  
озыр вөр-ва,  
тэрыб көр.

Чизыр төвъяс,  
тшöкыд расъяс,  
чукльöсь ордым,  
пемыд вөр,

Тэ кө шуда  
да нюм бана,  
меным сэсса  
нем оз ков,

Коми муёй,  
сьёлёмшөрöй,  
мена́м куслытöм  
любов.

Тэкөд менам ставыс шөрипөла,  
Югыд радлунъяс и курыд шог.  
Тэтөг эськө ме и джын морт вөлі,  
Олөмө эг пөрт ме уна мог.

Тэ век менө нелючкигыс видзан,  
Сьökыд дырйи ме дорыс он кеж.  
Сөмын тэ меддона и медмича,  
Некод вылө тәнө ме ог и веж.

\* \* \*

Тэ кө менө гөгөрвоан,  
Сьökыд дырйи дзик пыр воан,  
Сідзкө, тэ мен өрт.

Он кө серав тэ син сайын,  
Меным радлун кө тэ ваян,  
Сідзкө, сөстөм өрт.

Эскан кө тэ меным ёна,  
Ме кө тэныд помтөг дона,  
Сідзкө, медбур өрт.

Асьтө моз кө менө төдан,  
Шогсө-гажсө юкны мөдан,—  
Медся дона өрт.

## МЕНАМ СЬӨЛӨМ

Муртса шондi югъялис,  
Со нин усьö шляча.  
Луныс бöрдö-й нюмъялö,  
Сэтшöм сылөн лача.

Войвыв арся луныс кодь  
Менам олöм-вылöм.  
Быдтор сьöлöм крукыштö,  
Быдтор сьöлöм кылö.

Нораа зэв бöрддзылö,  
Ог и тöдлы — йöктö.  
Уна сылы мөрччылö,  
Но век овны тшöктö.

\* \* \*

Мыйла нö олöмыс  
Муслун мем сетис?  
Кодзув эз шуд вылö,  
Шог вылö петис.

Сöstöма дзирдалö,  
Вылын зэв олö.  
Тэкöд ми, кывбурöй,  
Сылы ог колöй.

Көсйи тәнө вунөдны,  
 Паныдасьны полі.  
 Тә йылысь жө мөвпъясөн  
 Сөмын на пыр олі,  
 Уджөн көсйи пөдтысьны,  
 Вунөдны мед тәнө.  
 Сөмын тэнад синъясыд  
 Янөдісны менө.  
 Сэсся вөрө шойчыны,  
 Пальөдчыны муні,  
 Тә йылысь пыр мөвпалі,  
 Мукөдторйыс вуні,  
 Думайті, мый вунөда,  
 Кор ме узыны воді,  
 Сөмын войбыд вөтъясын  
 Тэкөд дзоридз воті.  
 Сэсся кывбур гижигөн  
 Вунөді нин быттьө,  
 Сөмын сійө вөлөма  
 Тә йылысь, кор лыдди.

Кодкө ошйысьө аслас мичлунөн,  
 Кодкө платтьөөн ошйысьө мед.  
 Мен кө муслуныд тэнад вичмывлө,  
 Сыысь ыджыдджык шудыс оз шед.

## МЕНАМ ШОНДІБАН

Югьд кодзув енэжын кө ворсө,  
Эскыссьö мен, быттьö тайö тэ,  
Эзысь тöлысь петö рыгъядорсö,  
Бара тэон сійöс чайта ме.

Кодыр шонді петö кымөр костысь,  
Сылөн тэ кодь стöч жö чужöмбан;  
Кор тэ орчöн, менам сьöлöм косьтысь,  
Шондितöгыс шондіа мем тан.

\* \* \*

Усьысь лымйыс оз шедödчы киö,  
Сійöс сывтыръяс бергöдлö тöv,  
И зэв ыджыд öбида ас пиын,  
Кутшöм некор на менам эз вöv.

Кызкö тöдлытöг көтасис чышъян,  
Кокныыд лыштіс көть öти сутш,  
Ме и ачым öд кодыськö пышъя,  
Сідзкö, мыжавны тэнö ог кут.

## АВЪЯ НЫВ

Неважөн на миян сиктö  
Уджавнысö воис,  
Эг и тöдлöй, кызкö асөн  
Регьд кадөн лоис.

Быттьö ачыс тайö сиктас  
Микöд öттшöтш чужлис.  
Кыз нö сытöг, авъя нывтöг,  
Öнöдз овны кужлим?

Кодлы бара шудыс усьö  
Татшöм нывкöд овны,  
Сылы, майбыр, оз ков некор  
Гажтöмлунысь повны.

Сыкöд орчöн кык пöв кокни,  
Кык пöв олöм муса.  
Кöни абу сийö, вежджык  
Миян гажлун кусö.

## МУСЛУН

Ме кö эськö вöли тэнад,  
Тайö олöмсö эг ёр.  
Став съöd висьöмъяссö вені,  
Сеті йöзлы ыджыдтор.

Тэд став мелілунöс сеті,  
Видзи тэнö синмöс моз.  
Бара менам синва петіс,  
Мый оз збыльмы тайö, оз.

Менам помасьлытöм муслун,  
Быравлытöм съөлöм дой.  
Югыз шондйöй, эн куслы,  
Зарни югöртö пыр кой.

Кымөр костъясö эн сайлась,  
Ыджыд радлунöс эн дзеб.

Енэж шөрас бара кайлы,  
Тувсов сынөдын моз лэб.

Эг на тыртөммөй ми дзыкөдз,  
Эз на таяв веськодълун.  
Талун веськалім кө пикө,  
Аски лоас шуда лун.

\* \* \*

Тэ сөмын өтчыд  
Ылөдлыны кужин,  
И ыджыд эскытөмлун  
менама чужис.

\* \* \*

Медся мича, медся авъя,  
Ставсьыс бур да ставсьыс шань.  
Бурсьыс-бур кыв көсья шуны  
Тэныд, менама дона ань.

Ме кө мыйкө вөчи бурсө,  
Тайө тэсянь воис бур.  
Ышөдан пыр бурас менө,  
Медым лөкыслы эг сюр.

И мен бара овны долыд  
Сысыс, мый тэ тані эм.

Медым эськө татшөм йөзкөд  
Овны ассым олан нэм.

Лөсьыд мортлы, эм кө туйдысь,  
Крепыдөн оз быдөн чуж.  
Бурсьыс-бур кыв көйи шуны,  
Бара, буракө, эг куж.

\* \* \*

Эг тэныд ме кывбурьяс силы,  
Эг казавлы пытшкөсса мич.  
Став сьөлөмөс сетлі ме сылы,  
А тэныд бур кывьяс эг видз.

Тэ төдлытөг донаён лоин,  
Сөдз синьяс мем сетісны вын.  
И аттьө, мый сьөлөмө воин,  
Эн во кө, ме вөлі нин кын.

Ме дась вөлі энөтны мусө,  
Тэ воин сэк, мича да бур.  
И эскы көть эн, тэ мен муса,  
И донаджык морт мем оз сюр.

И быттьө со выльысь ме чужи,  
И кывбурьяс вооны бөр.  
Тэ сьыланкыв ловзьөдны кужин,  
И аттьөыс тэд, сьөлөмшөр.

Бокö лун кежлö кöть муна,  
Тэ кö ылын, сьöкыд мен.  
А кор орчöн, шогыс вунö,  
Кöн тэ олан, шудöй сэн.

Тэ кö орчöн, меным кокныд,  
Видзöдласыд сетö вын.  
Тэтöг бурас мем не локны,  
Тэтöг лёксьыс ме ог мын.

Тэкöд ставсö венны верма,  
Чужö сöстöм мелілун.  
Сöмын тэ эн ёна тэрмась,  
Гөгөрвотöгыд эн мун.

### ВЕЖНЫ ПОЗЬТӨМ МУ

Бара менам чужöны бур думъяс,  
Мый эм кöнкö вежны позьтөм му.  
Тöдса йöзлөн видзöдласъяс, нюмъяс,  
Нöшта сэтшöмтор, мый он и шу.

Чужан сиктö лэба вөръяс вомөн,  
Бурджык места вылö веж оз пет.  
Сöмын сыкөд лоа нэм чöж томөн,  
Сытöг ыджыд бурсö ме ог сет.

Мем кодкө, гашкө, шуас,  
 Мый йөзсянь уна кора.  
 Да Чөрт мед сийөс нуас  
 Медыджыд Дявөл дорас.

Ме йөзсянь сөмын көсья,  
 Мед шаньджык быдөн лоас.  
 На бурлунысь ме өзья  
 И туй визь вылас воа.

Бөр кыптас менам лолöй,  
 И бара ловзяс муза.  
 И таладор свет олөм  
 Сэк помтөм лоө муса.

### ВЕЖСЬӨМ

Кыздз нин олө менам пельсь пуöй,  
 Югыз, сөстөм визув Висер юöй,  
 Дерт, нин вежсис налөн олан сер.  
 Арся төлыс пельсь коръяс нуис,  
 Мича юöй паськалыштис, туис,  
 Эз нин этша шливгы-киссьы зэр.

Ставыс вежсьө, олөмыс оз сулав,  
 Кодкө ловзьө, кодкө и, дерт, кулө,  
 Быдторлы тай воө аслас кад.  
 Со и менам бара олөм вежсис,  
 Кодарө нин öнi менам кежсис?!  
 Сьөлөмöйлы мыйкө тай со рад.

Олөм шыяс мөд ног куті кывны,  
Бурмөм сьөлөм бара кутіс сывны,  
Сэні мыйкө чужис ыджыдтор.  
Зэв бур книга лист бок быттьө восьті,  
Уна буртор сэтысь на ме босьта,  
Кылө сьөлөм, абу на мем сёр.

\* \* \*

Бурлункөд лёклуныс орчөн на олө,  
Лун шөрын вой шөр кодь корсюрө лолө.  
Овлывлө — чеччигад сьөлөмыд сьылө,  
Водігад — морөссьыд ыджыд дой кылө.

Гашкө, и тадз ставыс олөмас колө,  
Бурыс и лёкыс мед тэ дінө волө.  
Лөктөгыс бурсө морт омөля тодас,  
Овны да уджавны кутас сэк сьодас.

### ГОРТТӨМ ПОН

Полігтырйи жмитчө керка бердө,  
Чайтө, бара кодкө кучкас тшук.  
Кажитчис мен, быттьө збыльысь бөрдө  
Тшыг да горттөм понйыс тайө здук.

Нөшта, быттьө сійөс эльтөм вылө,  
Керка сайысь петіс мича, ён:  
Том көзьяйка нуөдіс дом йылын  
Югыд гөна, вердаса, бур пон.

Гөрддзасис сэк менам сідзи горшой,  
Быттё луныс лоліс меным вой.  
Ловъя лолёй, коньөр горттөм понйёй,  
Мыйта сюрё тэныд сьөлөм дой...

\* \* \*

Мыйөнкө тэ воин сьөлөм вылө,  
Быттё тэнө төдлывлі ме нэм.  
Помтөм бурлун морөс пытшкын кылө,  
Аттё сыысь, мый тэ тани эм.

Тэ вөсна өд шоньдджык мем карас,  
И став бурсө бара вөчны дась.  
Мый нө вайё меным тайё арыс?  
Оз нин кыскы сьөлөм мунны тась.

Бывті шоча лоліс меным шоньд,  
Этша вичмывлывліс меным бур.  
Гашкө, татысь сійё кутас воны,  
Мый мем өнөдз олөмсьыс эз сюр.

\* \* \*

Сувтны эськө пелысьөн  
Тэнад өшинь улө.  
Дзоридзавны син водзад,  
Гажөдны быд тулыс.

Лоны эськө шондіөн,  
Суны узянінад.  
Шоньд, мелі югөрөн  
Инмөдчыны дінад.

Петны эськө төлысьөн,  
Югдөдны мед войсө.  
Висьö кö том сьөлөмыд,  
Юкны өтмоз дойсө.

Лэбны эськө лун төлөн,  
Тэнö туйысь корсьны.  
Төдлытөгьд сывйыштны,  
Шөвк юрсинад ворсны.

Сьывны эськө колипөн,  
Гажөдны мед тэнö.  
Сөмын, муса мортанöй,  
Абу тай тэ менам.

\* \* \*

Турөб! Турөб!  
Еджьд сарапанöй,  
Пармашөрсä козлы  
Нюжөд сыв,  
Тэрыб борда төлөй,  
Вой төланöй,  
Помся сылы  
Нор шыөн эн сыв.

Эзысь төлысь,  
Келььд чужөмбанöй,  
Ассьыд югөр  
Лышкыдджыка кой,  
Мича козйöй,  
Менам шондібанöй,  
Эз мед шога  
Колляв төвся вой.

Рытъя кыа эз на дзыкөдз чусмы,  
 Алөйгөрдөн пөртмасис вөр йыв.  
 Асъя кыа эз лэдз сийөс кусны,  
 Ньюжөдіс нюм банөн мелі сыв.

Петысь шонді качысь руөн мыссис.  
 Шөвк турунъяс вылө резіс ва.  
 Быттьө лышкыдмис да бисер кисьтіс,  
 Сынөд сэтшөм сөстөм — чөскыд ма.

Вушки-вашки шыасисны козъяс,  
 Лысва шура-шара кисьтігмоз.  
 Лэбач чукөр эновтісны позъяс,  
 Турун пөвстын өзйө би гөрд оз.

Гөгөр өвтө сэтшөм олөм көрөн,  
 Чөскыд асъя сынөдсьыс он пөт.  
 Шонді югөр улын сийө вөрө,  
 Локтысь луныс содтө ассьыс өд.

\* \* \*

Мыйкө окота меліөс шуны,  
 Сөмын медся бур кывйыс оз сюр.  
 Мича кывъясыд эм, дерт, зэв уна,  
 Сөмын ачyd тэ на дорысь бур.

Еджыд кызд мича кывъястөг лөсьыд,  
 Сийө ачыс нин — бур сыланкыв.  
 Сідзкө, кывбурсө кузьөс ог лөсьөд,  
 Оз өд веж тэнө медся бур кыв.

## ФЕВРАЛЬ

Февраль төлысь пыркөдө дзор тошсө,  
Косом шонді нюмъевтлө сы пыр.  
Пöрысь февраль көть нин öдва пошкө,  
Кок йывсыйс оз усь на сийö дыр.

Уна лун на пуркөситчас ывла,  
Дыр на шувгас войвыв парма-вөр.  
Лун сьомöснас көть и лун бок сывлас,  
Войнас бара камгас-кынтас бөр.

Медым дзор тош тола пиöd уйö,  
Талун сылөн дурöмысь ог пов.  
Меным долыд, мем öд аски туйö,  
Сэтчö, көні кык пöv кыпыд лов.

## ТУВСОВ ШОНДИ

Тувсов шонди, ыджыд тэнад выныд,  
Көть и төлыс вöлі вывті кузь.  
Парма йиа чепъяс улысь мынö,  
Оз нин төвся моза чöла узь.

Ставыс бара тані выльысь ловзью,  
Тувсов шонди койö мелі нюм.  
Бара ставлы кыпыда бөр овсьö,  
Видза олан, югыд тувсов лун.

\* \* \*

Мед некор оз кус  
тайо шуда бур олөмыс,  
И важ моз бур войтырлөн  
зильлун оз быр.  
Мудзлытөм кияс мед  
шоньдлун койоны,  
Төждлун да мелілун  
койоны пыр.

\* \* \*

Медым ывлаыс кө букыд,  
Медым ывлаас кө ар.  
Менам сьөлөм вылын югыд,  
Выль ног аддза Сыктывкар.

Морөс пытшкын шоньд кылө,  
Мелілун мем бара ёрт.  
Сы вөсна өд сьөлөм сьылө,  
Мый и тась аддзи ас горт.

\* \* \*

Тэсянь письмө волө шоча,  
Көсья, унджык воис мед.  
Почтальонлы бара воча  
Котөрөн со пета ме.

Нюмда, кодыр письмо сетас,  
Абу... Чужом лоас шог.  
Тодмав, зонмой, ачыл сэсса,  
Тэнө радейта ли ог.

\* \* \*

Мыйла муслунос оз кынты кодзыд төлыс,  
Мыйла сийос бушколыс оз тырт?  
Меным эськө кокныйд овны вөлі,  
Шогыс эськө сьолөмөс эз зырт.

Сэки меным веськодь лоис ставыс,  
Медым сөмын колис лун да вой.  
Вывті жө нин шуштөм олөм тайө,  
Мем бурджык кывны ас сьолөмысь дой.

### ЕДЖЫД ХАЛАТА АНЬЯСЛЫ

«Бур асыв!»

И шонді палатаө пырө,  
Көть енэжыс кымөра,  
Ывлаыс нор.  
И сьолөмой радлунөн,  
пөсылунөн тырө,  
И олөмыс муса,  
и сийос ог өр.  
Ме ачымос выль мортөн  
аддза и кыла,  
И лов вылын югид,  
и вежөрөй ёсь.

Зэв уна ті босьтанныд  
ас сьёлём вылад,  
Од смертыскөд морт вöсна  
кыпöдад кось.  
Лым еджыд халатъяса,  
мелі, бур аньяс,  
Ті сывдінныд менö,  
кор вöлі нин кын.  
Кузь нэм да бур шуд сиа  
тіянлы, шаньяс.  
А водзöсöй кувтöдз нин  
менама оз мын.

### ПРАЗДНИКӨН!

Тайö югыд тувсов праздник лунö  
Кокъяс улад ловъя дзоридз тэд,  
Медым тэнö шудлуныс оз вунöд,  
Некор курыд синва войт оз пет.

Мед век радлун керка пытшкад олас,  
Шоглы мед оз ло сэн места войт.  
Медым олём тувсов лун кодь лоас,  
Медым некод лёк кывйөн оз дойд.

Бурыс век нин аддзас тэнсьыд буртö,  
Лөктö корсьö, коді ачыс лёк.  
Сиа тэныд медся ыджыд шудсö —  
Менлы моза йöзлы дона ло.

## МЕНАМ ВЕЛОДЫСЬЛЫ

Тэысь менам ёна гажöй быри,  
Сьöлöм пытшкын югыд, сöстöм дой.  
Талун тэныд нелямын квайт тыри,  
Бара колис аддзысьлытöг во.  
Миян костын уна тöдтöм ордым,  
Пемыд вөр да гажтöм зыбуч нюр.  
Он тай котöрт-пырав тiян ордö  
Сины тэныд ставсö, мый, дерт, бур;  
Сьылі гөгөр кутны топыд сывйөн,  
Пöся окалыштны чужöмбан;  
Сёрнитыштны тэкöд мелі кывйөн,  
Да со кола йöзыслы ме тан.  
И мед тэсянь талун кө ме ылын,  
Менам сьöлöм тэкöд орччөн сэн.  
Тэнö, быттö, аддза ме и кыла  
Сы вöсна, мый зэв дона тэ мем.

\* \* \*

3. В. Кожевниковалы

Вöчны кө, вöчны,  
Мед сьöлöмыд сьыліс,  
А бөрвылас шуисны:  
Уджач жö морт!  
Тэ, Зоя Васильевна,  
Уджач öд збыльысь.  
И таысь мем дона тэ,  
Ыджыдджык ёрт.

Тэ сöстöмлун жыръясын  
Вежöга видзан.  
И тэ кө нин удж вылын,  
Бус чир ни ёг.

И ачылд тэ удж бөрад  
Мудзөмыд, мича.  
Сэк сывйыштны көсья,  
Но пола да ог.

Тэ «дыш кульөн» ропкигтыр  
Менө со нимтан.  
Вай юрситө малышта,  
Көн эзысь пуж.  
Вай өтчылд көть казтышта  
Тэнсьылд бур нимтө.  
А тэ мозсө уджавны  
Ме өд ог куж.

\* \* \*

Шонділань быдмөг моз тэланьё кысси,  
Унджыкысь арся съод зэръясөн мысси.  
Көдзыд вой төвъясысь зумышён лои,  
Век жө дас во мысти тэ дорө вои.

Сөмын тай сөрми ме та кузя туйын,  
Дас төв өд войвывса толаөд уйи.  
Кынмывлі дасысь и дасысь ме сывлі,  
Сы мында лёксө ме сёлөмөн кывлі.

Мыйла эг усь сөмын, муні пыр водзё —  
Юр весьтын дзирдаліс куслытөм кодзув.

## ВИЧЧЫСЬТОМ ТӨВ

Октябрыс нин төв йылысь кайтис,  
Водз кӧдзалис ывлалӧн лов,  
Эз дыр таво дӧзмӧд сьӧд няйтис,  
И ю вуджны пыж нин оз ков.

Друг виччысьтӧг арыс лым вайис,  
И еждӧдӧс став ывла выв.  
Кызд тӧдлытӧг водз верӧс сайӧ  
Эз юась и петис том ныв.

\* \* \*

Мыйла оз нюмъявны арлы?  
Букуша видзӧдӧ син.  
Шлячалы, кӧдзыдлы, чардлы  
Сьӧлӧмыд пӧдса и кын.

Тулысыд воас нин мыйӧн,  
Мелӧа нюмъявсьӧ пыр.  
Шондӧид мавтыштас выйӧн,  
Сьӧлӧмыд радлунӧн тыр.

Бурлунтӧ бурлун и чужтӧ,  
Лӧклунлы — лӧк воча кыв.  
Бурнас кӧ лоны эн куж тӧ,  
Йӧзсяньыд буртӧ он кыв.

## ЭМӨСЬ КОДЗУВЪЯС

Эмөсь йөз, быттьо ярьюгыд кодзувъяс,  
Кодъяс пемыдын койоны дзирд.  
Быттьо войвывса мичаник дзоридзьяс  
Гажөн тыртöны тувсовъя видз.

Мича олöмныс налөн и думъясныс,  
Сöстөм ловныс и сьөлөм выв.  
Кыдз бур книгалөн листъясыс — лунъясныс,  
И быд час налөн, кыдзи бур кыв.

### ТЭ МЕНАМ — КОК УВ МУ

#### 1

Бара, бара чужан сиктö вои,  
Видза олан, менам Ыджыдвидз!  
Бара воён верстьöджык ме лои,  
Он тай кадтö сувтöд, кут да видз.

Тэ жö, видзöда да, быд во томман,  
Выльмöмыд да мичмöмыд, эг тöд.  
Чужан муöй — челядь дыр и томлун,  
Му вылас тай тэ кодь абу мöд.

#### 2

Ылын гортсянь олiгад  
Ас му кык пöв дона.  
Гежöдика волiгад  
Гажыд бырö ёна.

Висер юй, сөстөмөй,  
Юктав чөскыд ванад.  
Лы кодь керйысь тшупома,  
Гортөй, лунө бана.

Медым керка пыткас кө  
Абу мужик мортыс,—  
Бур йөзыс тай вөчисны  
Менсьым шоныд гортөс.

### 3

Батьлысь керкасө косялім, важсө,  
Сійөс вильмөдысь мортыс эз лок.  
Нуис сэтысь и медбөръя гажсө  
Медся донаыс, дзык өти вок.

Йиа ва вылын кымөмысь нәрмис,  
Босьтис висьөмыс, сьөкыд да кузь.  
Бөръя часөдзыс шмонитны вермис,  
Писькөс вежөра вөлі да сюсь.

Төдө, кулас, а велөдө овны:  
— Ыджыд туй вылө, чоюкөй, пет,  
Паськыдінъясысь нинөмла повны.  
Йөзлы ме пыдди бурсө тшөтш сет...

### 4

Быдмывлі ме зонпоснияс пиын,  
Нывкаяс моз аканьөн эг ворс.  
Гожөмбыд ме вугыр шатьөн кийн  
Кыйлі Висер юысь чери-ёс.  
Ме өд көсийи зон кодьөн жө лоны,  
Лолыштлытөг варччывлывлі ю.  
Кужлі изйөн медся ылө воны,  
Косясьлі тшөтш, мый көть сэсся шу.

Некор зептö ме эг пырав кывла.  
Косьтöм лыс моз öзйивлі ме дзаж.  
Лэбач моз жö радейтлі ме ывла,  
Сійö вöлі меным шуд и гаж.

5

Луныс выйöн войталö,  
Олын куртам турун.  
Тшöтш и челядь войтырлөн  
Киясаныс куран.  
Турун юрсьыс мукöдыс  
Абу весиг джуджыд.  
Он тай няргы öвадысь:  
Ызьöдöма уджыд.

6

Уна пöлöс йöзöс нин ме тöдлі,  
Паныдасьліс мортыс лёк и бур;  
Кыпавлі бур кывйысь, лöжсьыс пöдлі,  
Сöмын некод мамыд кодь оз сюр.  
Ой тэ, мамöй, менам муса мамöй,  
Карысь воа, қильчö вылын пыр.  
Сьöлöмыд мöй кылö, петан паныд?  
Некор тэнад муслуныд оз быр.

7

Быдöнлы моз бордъясьны  
Воис кад и меным.  
Лэбзям тай ми гортъясысь,  
Кöть и лöсьыд сэні.  
Öні быттö мамöлысь  
Кыла мелі сёрни:

— Мортөн лоан, велөдчы,  
Жаль, мый меным сёр нин.

Ёнасö эн гажтөмчы,  
Вежөраён лоан.

Чужан сиктö велөдны  
Коркö ачылд воан.

## 8

Карыс уна бурсö меным сетис,  
Кыпөдис да сөстөммөдис лов.  
Сэн и первой сылан менам петис,  
Сэн и чужис медводдза любовь.

Но ас сиктö важ моз менö кыскис,  
И со бара менам шуда лун.

Чужан сиктö телеграмма ысті:  
«Гортö локта, бокö ме ог мун».

Бара аслам чужан Ыджыдвиддзын,  
Көни төдса мем быд ёль и рас.  
Бара орччөн мөдлапөвса видзын,  
Гулыд ягыс помтөг муса, ас.

Мыйкө бурөс вашкөдө мем пельö  
Школадорса льөм пу, важся ёрт.  
Бара орччөн дона, сиктса челядь,  
Сөмын налы ме нин — ыджыд морт.

## 9

Муслун сьөлөмысь оз быр,  
Пырöма нин вирö.

Сьивны көсья ёнджык пыр,  
Ломзьөдны би чирөс.

Сьыланкывйөн, сиктöй, тэд  
Көсья сьөлөм восьтны.

Чусала на, ӱзйи мед,  
Колӱ тӱв ныр босътны.  
Велӱдысьтӱг и кузнеч  
Омӱлика дорчӱ.  
А мед кыптас сьыланкыв,  
Сьылысьяс мед орчӱн.

## 10

Мусюр вӱлӱк, кымынысь ме тати  
Арся няйтсӱ кос шӱрӱдз эг уй,  
Ытва дырйи Висер юӱд катли,  
Гортланьыд тай дженъыдджык век туй.  
Карса олысьӱн эг кӱсйыв лоны,  
Он тай водзвыв олан туйтӱ тӱд:  
Мый на вермас сьӱлӱм вылад воны,  
ӱни думъясӱ со дзык нин мӱд.  
Гортад, эськӱ, мамыд дорын овны,  
Кӱмиӱн кӱ шуны, мус оз зырт.  
ӱти шоньыд позйыд эз кут ковны,  
Куш ӱд сийӱн сьӱлӱмтӱ он тырт.

## 11

Эн шогсьы, чужан сиктӱй,  
Оз йитӱд миян ор.  
Тэ ӱдзӱсьяс эн сипты,  
Эн игнась, менӱ кор.  
И тэ дорӱ ме вонас  
Ог ӱтчидысь на во.  
Мем карыс тшӱтш жӱ дона,  
Эн вежӱгты тэ, но?  
Ог уськӱд тәнсьыд донтӱ  
Ме тайӱн, мый кӱть шу.  
Мем карыс — юр весьт шонди,  
Тэ менам — кок ув му.


Ученая на оном мѣстѣ  
Номѣ тоа нѣдѣ  
Бендѣнаторъ и кѣнелъ  
Онаго нѣдѣ



Мѣстѣ нѣдѣ — нѣдѣ нѣдѣ  
То нѣдѣ — нѣдѣ нѣдѣ


# ВИКТОР НАПАЛКОВ

## Менам лов шы



UNITED STATES DEPARTMENT OF THE INTERIOR

Geological Survey



\* \* \*

Лыдтём кодзулөн пөртмасьысь енэж  
Югьд сиңьяссө войбыд оз кунь.  
Менсьым унзильос бара нин венө  
Асья кыакөд кыпөдчысь лун.

Гора кывъясысь кывбурьяс видза,  
Чусмём мөвпьясысь найос ог кы,  
Көть мед өтчьд йөз сьөлөмөдз йиджлас  
Менам гөлөслөн йөлөга шы.

#### МЕНАМ ПАРМА

Кисьмём льём синьяса, коляоз вом дора,  
Бандзибъяд кыалөн ворсөдчысь сер.  
Быдтан да лелькуйтан ныв-питө моздорад,  
Дзоридзьяс быдтө кыз тувсовья эрд.

Мойдын кодь мичлуннад ылөдз зэв тыдалан,—  
Тэтөг ме сьөлөмлы ог аддзы ин.  
Йөлөга горөн тэ, донай, шыалан —  
Важья зырянкалөн радейтчанін.

Көть и омлявлө вой төв  
 Да и тшөкмунлө лов,  
 Коми пармалы, ёртöй,  
 Посьджык шондi оз ков.

Вобыд гождйөдчө пожөм,  
 Съөдөдз кисьмывлө льөм.  
 Миян чужөмө гождөм  
 Кольлө шондiлысь рөм.

А кор лы-сьөмыд ёнтө,  
 Либө дөзмөдас лым,  
 Ветлы шойччы да шонтысь —  
 Пөся примитас Крым.

Море берегын пасьтөг  
 Көть тэ черъяв кузь лун,  
 Шоньд пывсян да паччөр,  
 Век жө, юрсьыд оз вун.

Весиг лэбачөс корө,  
 Кыскө ас чужан поз.  
 Чужан муойлы копыр  
 Сета мам водзын моз.

Ловъя дзоридз моз нэммы,  
 Вөр-ва гөлөсөн сыв,  
 Том республика менам —  
 СССР-лөн том ныв.

\* \* \*

Кымөр сайсянь со горзёны дзодзөгъяс,  
Кузь туй вуджигён вынсяліс борд.  
Туйсё лунвылө индісны кодзувьяс,  
Бёрсё лэбигён төдөны горт.

Ошинь-өдзөстөм налөн көть позъясыс,  
Чужан муыслөн шонтас пөсь сыв.  
Гөснеч пыддиыс юсь-дзодзөг гозъяяс  
Татчө вайёны выль сбыланкыв.

Медым му вылын олөм эз помасьлы,  
Найө быдтысьны локтёны век.  
Посни пьянсө вердөны вомсьыныс —  
Нёнпом кага кодь лэбачпи сэк.

Да и йөзыс өд нырччөны сы ради,  
Водзө томмөдны мед вольной свет,  
Челядь гөлөсөн йөлөга кыпыда  
Став му пасьтаыс юраліс мед.

\* \* \*

Шонді мыччыслө зэв шоча,  
Югөр лёдзьясөн оз кой.  
Пожөм вылысь менам соддзө  
Киссьө коль, кыз синва войт.

Прөщайтчыны гожөмыскөд  
Сылы, буракө, зэв жаль.  
Регыд тубыртас ёсь лысьяс  
Лымйысь кыөм небыд шаль.

Улөдз лэччө сьöкыд кымөр —  
Енэжыслөн пашкыр тош.  
Көдзыд төвныр улын сырмө  
Öзйысь коръя кыз пу вож

Татчө, быттьö полысь попö,  
Дзебсясигтыр локтö ар.  
Сэсся уна еджыд бобув  
Ваяс аскöдыс октябрь.

Садным рытнас вöлі рыжöй,  
Асывнас нин сійö дзор...  
Аслад арлыдысь он пышйы,  
Арся сад моз дзормө морт.

#### КЛЮЧ ВА

Тан шондi мыськö  
ассыс алöй бансö.  
Тась васö юö  
тöдса-й, тöдтöм морт.

Сёр рытын йöктö  
лыдтöм кодзув танi  
да зарни дзирдөн  
ворсö дзик быд войт.

Сөдз, сяльгысь ключыс  
некодыр оз надзмыв,  
му гыркйысь петö  
гажа сьылігтыр.

Ме сылысь мичсö  
нывлөн синмысь аддза,

ме сылысь гөлөс  
төда пырысь-пыр.

Ключ дорын частө  
веськөдывла мудзөс,—  
сы горөн сывны  
көсйыссьө тшөтш мем.

Мед сөмын помөдз  
вынөй менам судзсис  
ключ ва моз сөдза  
овны өти нэм.

\* \* \*

Частө воывла думысь  
Аслам ичөтик сиктө,  
Көні кыалөн нюмыс  
Шуда лун вылө ликтө;

Көні первойысь нывкөд  
Асья югыдөдз ветлі;  
Кысянь ичөтик ноппён  
Ас шөр туй вылө петлі...

Шонді петігөн ловзьө  
Лэбач гөлөсөн ывла,  
Йирсысь мөсьяслысь онөдз  
Жыннян шыяссө кывла.

Меным донаөсь ёльяс,  
Джуджыд туруна видзьяс...  
Көні челядь дыр коли —  
Ставсө сьөлөмын видза.

Лэчыд коса и куран  
Кутны кужа на кийн...  
Дона сиктöй, тэ менö  
Помöдз лыдды ас пиөн.

Сиктса йöз динö муслун  
Менам некор оз ямлы.  
Таысь медыджыд аттö  
Талун висьтала мамлы.

Ачым ола көть карын,  
Но став вир-сөнөн — сиктса.  
Гашкө-й, сы вöсна бара  
Сиктлы кывбурöс сии.

#### МИ-ВОК ПЫДІ ВУЖЪЯ

(Сиктса трактористлөн висьт)

«Тувсов лун — во вердö»,—  
Шулöма крестьянин,—  
«Кöдза кө он эндöд —  
Во чöж олан няньөн».

Сы вöсна и ньылöм  
Кисьтам огö скупа,  
Лелькуйтам кыз нылöс —  
Муöс, мед оз дубав.

Асья кыа петö —  
Ми нин муяс шöрын.  
Пажын сьöрысь ветлö —  
Уль йöv да нянь шөрöм.

Рытъя шондi бердас —  
Шабашитам вöлись.  
Дзоридзьяса эрдас  
Шойччыштам бур пöтысь.

Шудон тырö сьолөм,  
Восьласным көть дыгыд.  
Вылын ситеч дөрөм  
Соласьöма, быгыд.

Локны гортад любö,  
Виччысьöны тані  
Гöтыръясным: Люба,  
Вера либö Анна.

Дзигöдасны голи  
Шег кодь посни челядь:  
Быдөн мыйкö дольö,  
Вашкөдö нин пеляд.

Пöсь тшай юны эштам  
Сьылысь самöварысь.  
Мöвпавлам ас кежын:  
Кутшöм лоö арыс?

Рудзөг пызя шаньга,  
Майбыр, абу кыдъя.  
Кыпыда и шаня  
Уджын зильö быдөн.

Муыс быттö сетö  
Миянлы ён чужва:  
Кыдзи-й тувсов петас —  
Ми вок пыді вужъя.

Та вöсна и вынным  
Морöс чукийөн пуö.  
Лунысь лунö шудным  
Ытва моз жö туö.

Керка öдзöс некор  
Гöсть водзын ог сиптöй.  
Меным кө он эскöй —  
Волöй миян сиктö!

## ВИДЗ ВЫЛЫН

Гудок шыясөн сялькөдчысь шоръяс,  
Лэбач синъясөн видзөдчысь парма,  
Дзоридз-чышьянён павгысьём боръяс —  
Ставыс син водзын вералө-ярмө.

Кытшён долыда йөктёны чиркъяс,  
Налён гөлөсныс видз пасыта кывтө.  
Шонді ислалө югъялысь дзирдён  
Лэчыд дорыша косаяс вывті.

Мазі окалө бобөнянь юръяс,  
Өвтө ма дукён видзвывса сынөд.  
Сола нбылём көть чужөмөд тюрас,  
Рытөдз оз ламав морөссыд выныд.

Енэж шөрөдыс гөгыльтчө шонді,  
Быттьө алөйөдз банйём нянь чөвпан.  
А ми, гождьялём нывъяс да зонъяс,  
Шонді югөрсө зорөдө чөвтам.

\* \* \*

Чужан сиктыд — кага потан.  
Чужан сикт мем быттьө рай.  
Эжва шлывгө паськыд ота,  
«Өввө» сьылө колипкай.

Чужан сиктыд — мамлөн гөлөс,  
Пөрысь пөчлөн важся мойд.  
Янсөдчигад, көть и гусьён,  
Гортад колян синва войт.

Кор ме воа чужанінö,  
Нимкодьйла ышмö лов.  
Менам сьölöм сэки инын,  
Сэссия-й, унаыс оз ков.

\* \* \*

Вөртас весьтын шондi кусö —  
Войыс сывъялас вот мусö.  
Менам оз на пырсы гортö,  
Гөститышта войыс ордын.

Сьölöмөн ме аддза-кыла:  
Рудов синсö куньö ывла.  
Сэссия арыс лышкыд кинас  
Енэж пасьта öзтас бияс.

Гылалöны зарни коръяс  
Öтаваөн тырöм борйö.  
Унзильмöны мудзöм пуяс,  
Быттö вуджöмны кузь туйяс.

Орчча ёлын утка герчкö,  
Тöлысь еджыд кудель печкö.  
Асылöдзыс лысва юны  
Кутас миян чужан муным.

\* \* \*

Озыр миян Коми муным  
Нефтьöн, из шомөн и газöн,

Лёня шывгысь Эжва юөн,  
Сылысь лэбачьяслөн гажён.

Озыр миян Коми муным  
Помтём енэжлөн лөз мичён,  
Тшакён, чөдлачён и пувйён,  
Маён өвтысь шыльыд виддзён.

Озыр миян Коми муным  
Зарни киа востер йөзён,  
Гөтырпулөн долыд нюмён,  
Льөмйөн, өмидзён и озйөн.

Озыр миян Коми муным  
Быг кодь еджыд небыд лымйён,  
Тундрашөрсә шоныд чумйөн,  
Блөдз юргысь сыланкывйён.

Лышкыд овлө миян парма  
Көчөн, туланён и урөн.  
Шувгысь вөрыс — кыпыд, варов,  
Сөмын сёрнит ськөд бурён.

Уна миян озырлунным, —  
Ог кут лыддьөдлыны ставсө.  
Жаль, но озыр тшөтш ас муным  
Өнөдз дзормысь дөваясөн.

\* \* \*

Энө узьöй водз асывсö, энöй,  
Ывла югдöмсö видзöдам вайö.  
Чöскыд уннытö öтчыд көть венöй,  
Шәнді петöмсö эн прөзевайтöй.

Регыд кыаыс енэжын садьмас,  
Вөр-ва весьтасө шевкнитас бордсө.  
Лэбач чукөрлөн пансяс пось свадьба,  
Ылөдз паськалас гажөдчан гор сэк.

Көнкө шондыс локтө на туйын,  
Зарни петельсө мыччыны дасьтө.  
Сюра төлысь со кытчөкө уйө.  
Бытьтө сур юан яндөва-тасьтө.

Энө узьбөй водз асывсө, энөй:  
Шуда лун сийө аскөдыс вайө.  
Чөскыд уннытө өтчыд көть венөй  
И ті воланныд муывса райө.

## ДӨВА

Шудтөмөн гожөмыс вөлі:  
Бөръяысь окыштчин сэк...  
Сэксаңь тэ, мичаник дөва,  
Верөстө виччысян век.

Сідзи тай артмөма олөм:  
Өтиысь чужлө быд морт.  
Вөтьяснад верөсыд волө  
Видлыны сө муса горт.

Садьман да, шобрөдлө весиг,—  
Мый вөчны — ачыд он төд.  
Синвасор пернапас чөвтан,  
Ок эськө збыльмис кө вөт!

Дөвалөн синъясысь сөдздзык  
Мөдтор эг аддзыв морт нэм.  
Дөвалөн синваысь посьджык  
Мыйкө мөй свет вылас эм?!

## ГЫМНЬОЛА ЗЭР

Война вылын 28 арөсөн  
усьом батылы

Гожся ывлаыс кузь лунтыр пөжис.  
Рытлань матысмис кымөр — чим съод.  
Кодкө енэжас личөдіс вөжжи —  
Кыліс гымньөвлөн котралан өд.

Чардби вирдышtlö зэв уна вожөн,  
Корсьө сайөдін быд ловья лов.  
Коркө батыөн на садитлөм пожөм  
Некор гымньөла зэрысь оз пов.

Көть и чардбиыс юковтны вермас,  
Пожөм сулалө веськыд да збой.  
Юас пөттөдзыс шөныдик зэрсө,  
Сэсся ас кежас панас выль мойд.

Гыма кымөрыс исковтис чожа.  
Мыссьөм пуыслөн мичаммис статья:  
Лөня сулаліс пөсялөм пожөм,  
Быттө пывсянысь петөма бать.

\* \* \*

Прөстит, бать, коми пармалөн пи,—  
Кыйсян пицальыд вевттысьсө сімөн.  
Сійөн талун ме ог кый ни ви,  
Коркө вөлі көть зэв стөча инмө.

Прөстит, бать, Сөвет мулөн салдат,—  
Лазтө жытныкын воз сөйны пондіс...  
Кымын ылысмө торьялан кад,  
Сымын өнджыка сьөлөмөс өнтө.

Нитшка чös туяд ог нин ме кай,  
Зверөн-пöткаөн озыр көть öнөдз.  
Вошйы-сибöдчы, батьö! И вай  
Öти көшелысь курутчам пöттöдз.

## ПОРТРЕТ

Снимоквывса мортöс  
Видзöда ме дыр:  
Посныд мелі синъяс,  
Паськыд, тшöтшыд ныр.

Öткөдълуныс ськөд  
Менам уна эм:  
Бытьö сылысь чужöм  
Ляскöмаось мем.

Ачыс ылын, гуын  
Куйлö том салдат —  
Менам мамлөн верös,  
Менам муса бать.

Шуа: «Батьö, видзöд!  
Менö аддзан он?  
Быдмис пиыд тэнад,  
Эм нин тэнад монь.

Пыр тэ лоан дона,  
Кöть он вочавидз.  
Тэнад овыд, нимыд —  
Менам ов да вич».

## ВИТ ТОПОЛЬ

Батыс-мамыс быд пи чужом бөрын  
Ошинь улас садитлисны пу.  
Вашкөдчисны топольяс сад йөрын,  
Гажөдісны-вөччөдісны му.

Топольяслөн вожъяс моз жө пиян  
Быдмисны да верстяммисны пыр.  
Олөмыслысь өдсө он кут кийн,—  
Өдйө кывтө бордья челядь дыр.

Сэксянь тырис вөрөн уна ордым,  
Парма шөрысь косьмис уна ёль.  
Вит пи пөвстысь некод абу гортын,  
Мамөн шуысь керкаө эз коль.

Комын во нин пияныс со туйын,  
Коляс ещө уна-уна во,  
Уна берег кырас Эжва юным...  
Вит пи пөвстысь некод нин оз во.

Мамлы медся уна вичмө-кольө —  
Усьом йылысь юөр, курыд шог.  
Ошинь улын шөпкөны вит тополь,  
Быттё орччөн локтөны вит вок.

## РУД ИЗЙЫСЬ ЛОВЗЬӨДӨМ САЛДАТ

Клуб өшинь улын,  
киас автоматыс,  
руд изйысь кыптис  
ловзьөдөм салдат.

Зэв тóдтóm быттьó,  
быттьó и зэв матыс:  
óд татчóс йóзлы —  
верóс, вок и бать.

И быдóн аддзó  
сыын ассъыс писó.  
И быдóн ас ног  
сетó сылы ним.  
И быдóн мыччó  
дзоридзьяса кисó:  
— Тэн тайó, Ванюк,  
• Педюк, Питирим...

А сийó муртса  
восьтыштóма вомсó,  
оз лапнит синъяс,  
йóзлань дзоргó пыр.  
Тась мунлис сийó  
óнiя кодь томóн —  
ас йóзсó тóдны  
сьбóкыд пырысь-пыр.

Ас сиктлысь сийó  
Чужóмбансó аддзó,  
и вермис кó, дерт,  
шуис эськó тадз:  
— Мед сэсса нэмъяс  
эз нин сувтлы татчó  
гранитысь сизьдóм  
ме кодь жó салдат!

Бандзибъяссыд алöй кыа бердiс —  
 Арлыдыд со квайт дасöд нин вуджö.  
 Чужöм вылад парманымлөн серыс:  
 Уна вожа пулөн сэнi вуджөр.

Бөръя вынöдз зильлин ныв-пи вöсна, —  
 Томысянь öд дöва ним тэд колис.  
 Мудзöм синмыд ямöм ты кодъ öнi,  
 Кодöс оз нин юктавны сöдз ёльяс.

Война кадö пыклин тужа-нужа,  
 Тырмылис тай сöткöмыс и ёрччöм.  
 Юрси сiад кынмöм еджыд пужйис  
 Оз нин сывлы медъяр шондi водзын.

Тэысь мича мортыс абу некод.  
 Чой-вок нимсянь мамлы муöдз копыр.  
 Сöмын муса Рöдинаöс тэкöд  
 Öткодявлö том и гырысь войтыр.

Эз вöв кокни тэнад баба рökыд, —  
 Со мый вöсна ручка вильдö кисьым.  
 Гижны меным тэ йылысь зэв сьökыд,  
 Но не гижны — ещö сьökыд висьöм.

### СИКТСА ПАРКЫН

Коми гижысь-фронтовикъяслы

Чикыш гөлöса сиктса веж парк  
 Ылöдз шыалö енэж вевт улын.  
 Рытъя шондiыс — ыджыд да яр —  
 Ыстö югöрсö дзоридза мулы.

Тані юралö гаж рытивбыд,  
Лэбзö сьыланкыв — мича да кыпид.  
Талун паркын поэзия рыт,  
Кытчö локтис и катыд, и кывтыд.

Сцена вылын поэт-фронтвик  
Коми зон йылысь лыддö баллада.  
Дзедис лов шысö юбокса сикт,  
Мыйкö думыштчис кöстыля дядö.

Чышкö синвасö кодлөнкö мам,  
Усьöм пи йывсьыс гижöдыс, гашкö?  
Овлö дой, кодi некор оз ям,  
Ачыд асьтö кöть мыйта он такöд.

Водзö лыдды, ёрт, кывбур и висьт,  
Чуксав йöзсö тэ шуд вылö, мирö.  
Тэнад сёлöмыд — книгаысь лист,  
Кöни быд строка гижöма вирөн.

\* \* \*

Частö дум вылö челядь дыр волö,  
Быттö кузь войбыд вöталöм вöt.  
Мыйла босьтiн тэ, томдырся олöм,  
Тэрыб бордъяса чикышлысь öд?

Шуштöм вöли сэк олöмлөн рöмыс,  
Шудсö гуалис-сотис война.  
Вот и пöттöдзым вöвлi сэк сöмын  
Чужан мунымлөн сынöд да ва.

Век жö олöмыс йöзöс эз нюкырт,  
Ньöжйö бурдiс кöть налөн и дöй.  
Дöва-мамъяслөн содiс сё чуқыр,—  
Колис пинь туйсö узьлытöм вой...

А ми быдмим пыр пармалөн пиян,  
Помöдз кутчысим — ловным эз пет.  
Шудсö дорам ми асланым киöн —  
Сийö коляс тшöтш внукъяслы мед.

\* \* \*

Мед олөмөйлөн би кинь эз кус дыр,  
Мед олөм лоис няня-сола пыр,  
Пöч асывъяснас дольлис «Отче наш»,  
И ме тшöтш сыкöд чöвтлi пернапас.

Но кевмысьöмсö эз кыв ен ни чöрт,  
Кыв гаддясьмöныд молитва кöть лöвт.  
А шогыс вичмис быд керкаö дзик,  
И гусьөн бöрдлис мужикъястöм сикт.

Сэк енсянь пöчö корлис синва сор —  
Мед пияныслөн олөм оз жö ор!  
Лёк юөр воис öти бöрся мöд,  
И пöчлы енэж лолiс сьöдсьыс сьöд...

Ас визулöдыс кывтiс öдъя кад,  
Му весьтысь вешйис войнаыслөн чад.  
Лöз вез кодь колис менам батылөн мам,  
Важ дойыс сылөн некор нин оз ям.

Гажа ягъястї дыр ветлѳм бѳрын  
 Койтысь дозмѳрѳс пищальысь лыйи.  
 Вѳрлысь сѳрнисѳ ордѳс шѳри  
 Гора йѳлѳга омлялїгтырїи.

Месянь неылын сулалысь пожѳм  
 Видчан гѳлѳсѳн дугдывтѳг шувгис.  
 Воддза радлунѳй кытчѳкѳ вошис,—  
 Быттѳ ѳ пармаыс ме вылѳ увгис.

Ѳти сьылысьѳн гѳльмис ас вѳр-ва,  
 Матын шогалѳс-бѳрдѳс мѳд сьылысь.  
 ...Сѳксянь пищальѳн ог нин ме вѳрав,  
 И ог каитчы ньѳти ме сыысь.

### ВАИМЫВТѳМ ГАЖѳЙ

Мыйта мичлуныс ойбыртѳм эрдас:  
 Содзнад гумлав да тѳч сьѳлѳм бердад.  
 Лым кодъ еджыдѳсь байдѳгъяс татѳн  
 Кылѳ мойдчѳны месянь зѳв матын.

Гегдѳм пуяслѳн муѳдз дзор тошъяс.  
 А лым толаяс — быттѳкѳ ошъяс,  
 Кодъяс воѳмны вой полюс дорсянь  
 Татчѳ аслыныс сайѳдїн корсьны.

Петлас турѳб да шыльѳдлас гѳгѳр.  
 Сотлѳ чужѳмтѳ тѳлыс, кызд ѳгыр.  
 Кыа рѳмаѳсь уркайяс татѳн  
 Джуджыд коз йылын сьылѳны матын.

Долыд сьёлөмөн ветлөдла вөрөд,  
Сьёрысь сөмын көть эм истөг көрөб.  
Кыз ог нимкодясь? Меным тшөтш вичмис  
Войвыв мунымлөн чусмывтөм мичыс.

Чужан вөр-ваёс радейтысь мортлөн  
Некор турөбөн оз тырлы ордым.  
Менам сьёлөмлы мусмин тэ важөн,  
Ловъя пармай — ваймывтөм гажой.

\* \* \*

Сэзь енэж шөрө тöлысь джын  
Сюрс кодзув пиö йөжгыльтчөма...  
Пач трубаясысь пуркйö тшын,  
Мен йирмөг вир-ййөдз оз мөрччы.

Сикт бара садьмө водзсьыс-водз.  
Мен мамö туйö дасьтö көвдум.  
Нянь көрөн өвтö асыводз —  
Ок, кутшөм чөскыд көрөн өвтö!

Ас сиктöй луно бана, рам:  
Быд лым чир сьёлөмөс тан шонтö.  
Пыр медводз сиктын чеччö мам,  
Мам бöрын сэсся садьмө шондi.

\* \* \*

Йи тасысь мездмөм вильыш ю  
Веж быгйөн муткылясьö, ызгö.

Быд турун сі, быд ловзысь пу  
Ас бөрсьыс Мусö вывлань кыскö.

Выль горөн сьылö ывла выв,  
Оз ланьтлы сьывны весиг войыс.  
Öд тайö —

Тулыс нима ныв  
Лун саридз дорсянь татчö воис.

\* \* \*

Еджыд кымөр — нистём вурун —  
Муртса вөрзё нисьö оз:  
Сійöс позьö лёддзö куртны  
Видз выв кос турунöс моз.

Вортас сайыс быттё потіс,  
Ломзис енэжыслөн от.  
Öшйис лысва вылö шонді,  
Пет да шондісö көть вот.

\* \* \*

Нель пöдруга — нель кыз пу —  
Дзольгысь шор бокин эм.  
Орччөн сувтöмны сідзи,  
Быттё сьылöны мем.

Быттё во гөгөр нимлу́ —  
Еджыд платтёась пыр.  
Тугья дзоридза киөн  
Меным öвтлöны дыр.

Муса нывлы моз сиа  
Налы долыд, кузь нэм,—  
Натөг му вылас эськө  
Мыйкө эз тырмы мем.

\* \* \*

Вөр-ваын мортыдлөн  
арлыдыс вунлө,  
Воом сю иддзысь на  
юрси көть дзор...  
Тыртөм ноп-мешökөс  
пукта юр улө,  
Кывзышта пармалысь  
сёрнитан гор.

Вежөдөм коръяскөд  
качайтчө лысва,  
Кыаыс пуяслысь  
пальөдө ун.  
Шонділысь югөръяс  
кокалө пыста,  
Гылыда сывны мед  
сэсса кузь лун.

Челядь моз долыда  
сералө ключ ва,  
Визув ю веркөсөс  
серлөдлө ком.  
Сир дука сынөдыс  
веськөдө мудзтө,  
Вунөдлан татөні  
банька и чом.

Төвруыс —  
Нывкалөн небыдик лов шы.  
Енэжыс —  
кельылдлөз бумага лист.  
Чөдлачысь вөчөм  
чернилаөн пожөм  
Енэжас гижө  
лөз пармалысь висьт.

### КУЛӨМЪЮ

Кулөм — юыслөн нимыс,  
Көть и зэв аддзысь синмыс:  
Джуджыд Тимансянь сійө  
Сюртчө Эжвалөн сывйө.

Абу паськыд ни джумъя,  
Гачтөг вомөныс вуджан.  
Көсьян — изъяссө лыдды  
Войся кодзувъяс пыдди.

Көсьян — шондисө шыльөд, —  
Визув сійөс оз кылөд.  
Өшкамөшкакөд тані  
Коркө сёрнияс панлі.

Нывкөд берегас важөн  
Рытъяс коллявлім гажөн.  
Сылысь малавлі пөся  
Рудзөг кольта кодь көса.

Быттё нимкыла ваыс —  
Овлө чөскыдджык маысь.  
Матөг поэьө на овны,  
Ватөг — абу и сёрни.

Көть и нимыс тай — Кулөм,  
Сійө паськыда тулө.  
Лэбзьөм водзвылас юсьыс  
Васө юлөны юсьяс.

Пыді пармаын юыс  
Индө кыйсьысьлы туйсө.  
Коркө ми-вокыс кулам,  
Сөмын оз кувлы Кулөм.

\* \* \*

Кыа петігөн, көканөй, көк.  
Висьтав, кымын во овны ме кута.  
Сөмын эн тунав мем омоль рөк,  
Бөръя лолышттөдз лоа мед шуда.

Тунав, көканөй, меным кузь нэм.  
И мед нэмөй эз чискав, а өзйис.  
Колө унатор вевъявны мем,  
Медым збыльмөдны ассыым став көсйөм.

Төдса гөлөстө, көканөй, сет.  
Джуджыд пу йывсянь горөдлы збоя:  
Көть и некор эг эскывлы тэд,  
Ичөт дырйи моз лыддя ме вояс.

\* \* \*

Лэбачьяс шы ни ру узьөны.  
Потанныс налөн — дзор парма.  
Асьявыв бара нин шызьөны,  
Бипур моз кыа кор ярмө.

Сьөлөмөн кывны мед аскисө,  
Кыа дзирд босьтны мед туйө,  
Думыштчөм войсө, сөдз асывсө  
Шымыртла ас морөс кудйө.

\* \* \*

Томдырся олөмыд — бордъя шань вояс,  
Вынйөра кяс да рөмдывтөм вояс.  
Том дырыд — пөртмасьысь дзоридзьяс рөма,  
Радейтчөм йылысь пыр ловъя поэма.

Томлуныд — юждытөм, төдтөм на ордым,  
Вермөмланы чуксалө-ышөдө мортөс.  
Томлуныд — весьтысь көть дженьыдджык  
пөра,  
Бергөдас юяс и путкыльтас гөра.

### СЫЛАНКЫВ

Валентина Есевалы

Сьөкыд шуны кивъясөн  
Мусукөйлы дум.  
Мыла сыланкывъясөн  
Чужты сылысь нюм.

Сыланкывйыд висьталас  
Уна-унатор.  
Олан туйөс листалас,  
Кызди медбур ёрт.

Кыпыдджыка горөдлы  
Сьывны, коми ань.  
Сьыланкывйыд мортыдлы —  
Кыдзи шобді нянь.

Сьыланкывтөг ойбыртө,  
Гажтөмчө крут кыр,  
Кыті миян котөртис  
Көмтөм челядь дыр.

Сьыланкывтөг муслуныд —  
Кыдзи косьмөм ключ.  
Сытөг мусө кутлыны  
Мортлөн сыв оз судз.

Сьыланкывйөн чуксалө  
Ассьыс пөвсө юсь.  
Сьылігтырйи юклалө  
Мусө визув ю.

Кашемир шөвк чышъян кор  
Кышө енэжтас,  
Лэбач сьылөм шыясөн  
Садьмө кыддза рас.

Тулыс кодь сөдз гөлөсөн  
Горөдлы тэ вай,  
Гажөд йөзлысь сьөлөмсө,  
Коми колипкай.

Коскөдз көсаа,  
югыдлөз синма —  
сыкөд аддзысим  
виччысьтөг дзик.

Сьөлөм ёвкмуни,  
вошти ме инөс,  
нывъяс динө көть  
ачым зэв чиг.

Орччөн вальмасьлім  
сыкөд ю дорын,  
кодыр лыаыс  
паччөр кодь дон.

Сэсса, йёюкыд,  
ошйыси кыдзкө:  
мися, мам,  
гортө вая том монь.

Эски гусьёник  
мичаник нывлы,  
көть ме сы йылысь  
нем на эг төд.

Кыдзкө отиысь  
шөпкөдөм кылі:  
«Менө важөн нин  
радейтө мөд,  
коді служитө ылын...  
ракетчик...

Тэ жө ло меным,  
кызди бур вок.

Сёрөн аддзысим  
шань зонмөй тэкөд,—  
кыкөс радейтны  
ог вермы, ог!»

\* \* \*

Лөнъ тыысь гумовта кыа,  
Олан туй эз пемдыв мед.  
Эжвалысь сялькөдчысь гыяс  
Гаж вылө козьнала тэд.

Меддона изйысь на мича  
Лысвалөн дзирдалысь сер.  
Козьнала лысваа видзьяс,  
Гаръясөс польдчөдысь зэр.

Шонділысь югөр тэд каття,—  
Сы кодъ жө пөсь лоан, том.  
Кызд пулысь чусмывтөм платтё  
Козьнала казтылан пом.

Козьнала юсьяслысь горзөм,  
Кельыдлөз енэжлысь от.  
Донай, мыйөн ме озыр —  
Водзөстөг ставсө тэ босът.

\* \* \*

Шонид рытө кывтыд помын  
Гудөк шыён ыпйө томлун.  
Нывлөн кыис зонлөн кыин —  
Быттё дзоридз дзоридз пиын.

Өта-мөдлы мелі нюмыс  
Восьтө медся гуся думъяс.  
Оз ков лишной сёрни-басни,  
Синъяс сёрнитоны асьныс.

Лысөм юра еджыд төлысь  
Аддзö радейтчöм том йöзлысь.  
Вежыс этшаджык мед петіс,  
Кымөр сайö частö бердлас.

Тöлысь, буракö, тшöтш кöсйö  
Корсьны ассьыс воштöм пöвсö.  
Кыйöдö, кор петас кыа,  
Сійöс шымыртны мед сывъяс.

Локтіс бордъяс вылын асыв...  
Окалөм пöсь вом доръясөн  
Йöзлы нимкодь гортö мунны —  
Час-мөд кежлö синъяс куньны.

#### ЫЛАЛӨМ ВЕРӨСЛЫ ПИСЬМӨ

Тэ вöлін снажен. Стройнöй вöлі ме,  
Тэн вöвлі пыжөн, пелысьяснас — ачыд.  
И öтув сынны чайтлім быдса нэм,  
Но ру моз вошис öта-мөдлөн лача.

И кызди вöсни стеклöысь бокал,  
Шань олөм орис — шöри пусь-пасьмуні.  
Тэ öшинювса туйвежöс он таль,—  
Важ лым моз, гашкö, важөн нин ме вуні.

Кöть миян костын вöлөкыс зэв кузь,  
Сы кузя, кызди енэж да му костын.  
Но снимок вылад видзöдны ог мүдз,—  
Öд лун-лун менсьым баба сьölөм косьтан.

Син водзысь кытчöдз шондйыс оз берд,  
Ме сэтчöдз тэнсьыд лов шы кута кывны.

Ог некор вунод лысва дзирда эрд,  
Кысь вайлін цвѣтъяс, юрö кытш мед кыны.

Тод вылад уськөд Кывтыдпомса шор,  
Көн медводдзаысь окавлін зэв пöся.  
Сэк бобувлөн моз чужліс менам борд,  
А водзын вöлі том гозъялөн тöлысь.

Сэк меным муртса тырис кызь кык ар,  
Сэк кисьмөм озйөн ыдждöдлывлін менö.  
Мый морла тэнö кыскис тöдтөм кар —  
Та йылысь тöдö, гашкö, сöмын енмыс.

Ме тэысь öтдор некодöс ог корсь,  
Ог некыз эскы — лои мöй тэн мустөм?  
Вай гөгөр думышт, абу на öд сёр,  
Дай чужан сиктад, майбыр, оз зырт мустö.

Со еджыд быгйын купайтчö льöм куст.  
Со гөрөм му, код нянь тупöсь кодь небыд.  
Со челядь шыён юралö веж луд,  
Нач письмö чукөр — дзодзөг кельöб лэбö...

Ас кежын кывза лэбачьяслысь койт  
И кызкö шуштөм — сэсся бөрд көть серав.  
Жаль: тэтөг кольö войыс бөрся вой  
И бара метөг — кага чужтан керка.

Öд весиг лэбач пöвтöгыс оз ов,  
А лэбачлөн моз пессö менам сьölөм.  
Оз ков мем уна, унаыс оз ков:  
Бөр öдйöджык нин лок ли мый ли сöмын!

Бара мөдөдча туйо ме, бара  
 Гижны газетө некымын кыв...  
 Уна вежөса дзордзалысь парма,  
 И быд вежөсын выль сыланкыв.

А тэ мыйлакө жалитан менө —  
 Шоныд синъяссыд казяла пыр.  
 Бөрын ышловзян: «Ветлы нөсь, енмөн...»,  
 Сэсся чөв олан бара вель дыр.

Төда: өтнадлы гортын оз овсы,  
 Кузьөн кажитчө көка сөдз вой.  
 Кималасөн тэ шыльөдан вольпась,  
 Корсян ун йывсьд верөслысь сой.

А ме пукала важ төдса ордын,  
 Тагъя ырөшөн веськөда горш.  
 Весиг йөзын — ме быттьөкө гортын,—  
 Чужан муаным некор ог вош.

Петук чилөстас — ывла выв садьмө,  
 Сиктын гожөмнад важөнсянь сідз.  
 Ситеч платтьөа нывъяскөд рад ме  
 Öти покосын ытшкыны видз.

Сэсся чай көрөн өвтө кор турун,  
 Ичөтдырся моз вальмасыны сэн...  
 Нимъяс пыдди тан «сваття» да «шурин»,  
 Эжва йиръясө вөйтчөма вен.

Сиктын сьөлөмысь радлун оз куслы,  
 Сөмын вөлі мед шонді да нянь!  
 Ещө вөлі мед ыпъялысь муслун —  
 Лун-вой төждысьысь сьөлөма ань.

Регыд, регыд нин пöсь морöс бердö  
Тэнсьыд топöда кöсаа юр.  
Ветлі гöснечла Эжвадор эрдö,  
Бурджык козиныс некысь эз сюр.

Кильчö дорöдзыд воча мем петав,  
Вая пармалысь став рöмсö тэд:  
Ошкамöшкакысь кый шöвк лента,  
Рудов кöсаад гартовтны мед.

### ЗАРНИ ТОМЛУНÖЙ ÖВТЧÖ СО МЕН

Зарни томлунöй öвтчö со мен:  
Аддза син водзысь дзоридза чышъян.  
Муса томлунöй, эн котöрт, эн,—  
Мыйла та öдйö ме дорысь пышъян?

Кöть тэ здук кежлö сувтыштлы вай,—  
Тэтöг ковмас на коллявны нэмöс.  
Менö пöрысьөн эн на тэ чайт,  
Кöть ме дзор, а тэ — вöt нисьö вемöс.

Тэкöд югыдджык ывла выв мич.  
Тэ мен вöвлін пыр гудökъяс шыа...  
Менам томлунöй дзирдыштліс сідз,  
Кыдзи лысваын пöртмасьысь кыа.

Зарни амыся тӧлысьсӧ судзӧда,  
 Брошка пыдди мед ӧшӧдны морӧсад.  
 Тэнад синъясӧ лӧз рӧмсӧ рудзӧда  
 Паськыд люстра кодъ енэжысь — коран кӧ.

Ёлысь гумовта бисер кодъ кодзувсӧ,  
 Пеляд исерга пыдди мед пысавны.  
 Дзирйыв восьта пӧсь сьӧлӧмлысь ӧдзӧссӧ:  
 Сэтысь лыддян тэ, мый ог шу кывъясӧн.

Гажа раскын тэд зарава войтӧда,  
 Кыдз кодъ еджыдӧн кӧсьян кӧ лоны тэ...  
 Тадзи шулывлі тэныд ме войпукиг,  
 Кор тай ыдждӧдлі тэнӧ пыр шондіӧн.

Сӧмын кӧсйысьсӧм лоис тай весьшӧрӧ:  
 Тэд эз ковмыны кодзув ни, тӧлысь ни...  
 Мӧдлы мойвиин... Колин мен вежӧрӧ  
 Паськыд пармаын юралысь йӧлаӧн.

Сӧрӧн казялі: вӧлӧмкӧ, ачыд тэ  
 Аслад синъясӧн мичмӧдан ывласӧ;  
 И кор вадоркай енэжлань качӧдчӧ —  
 Тэнад гӧлӧсӧн кыпыда шыавлӧ.

### КОЛИП

Серафим Поповлы

Небыд тӧвруӧн ӧвтыштӧ парма,  
 Колип воӧмлы сьӧлӧмӧй рад.  
 Ылі мусянь ӧд локтіс со бара  
 Зарни гӧлӧсӧн гажӧдны сад.

Сизим рёма выль сьыланкыв кисьтö  
Кыддза расъясин пом ни дор.  
Сылөн музыка сьёлөмö письтö,  
Сетö кывбурлы вынаджык борд.

Сэсса гөлөсыс сёрөнджык бердлö, —  
Колö өкмөдны колиплысь рөд,  
Чужөм кагасö юктавны-вердны,  
Кытчөдз лэбавны ачыс оз мөд.

Гожөм помланьö эновтö расъяс,  
Весиг прöщайтчан гөлөс он кыв:  
Вомас быттьөкө босьтөма васö  
Парма ёлысь — и некыдз оз сьыв.

Гашкө, шогысла чөв олö сэки, —  
Сыкөд бара ог аддзысьлөй дыр.  
Мыла гөлөса колипөй, эски:  
Тэнö парманым примитас пыр.

\* \* \*

Муслуныд —  
збыльысь кө сийö пöсь муслун —  
Венас кузь туй кост,  
но тэнö пыр аддзас.  
Муслуныд —  
морт моз жö öтиысь чужлö,  
Муслуныд —  
олөмад медсөстөм лача.

Муслуныд —  
збыльысь кө сийö пöсь муслун —  
Писькөдчö сьёлөмад  
дзольгысь ключ горөн,

Шонді моз некор дзик,  
некор оз куслы,  
Дзоридз моз югыдлань  
Чужомнас нёрö.

\* \* \*

Мый сиа ёртлы чужан лунö?  
Здоровье, ыджыд шуд, кузь нэм...  
Мед ещö мусмис Войвыв муным,  
Выль вынөн мусмис тэн и мем.

Мый нöшта сины? Сэсся нинём  
Оз сюр нин бурсö сиан кыв.  
Нэм видзöд йöз вылас тыр синмөн  
И öти горөн накöд сьыв.

\* \* \*

Дерт, олöмыслысь öд он тывйышт ни он кут,  
А овны колö сідз, мед лунъяссö тэ ордйин.  
Морт кийн ыджыд власть — ас киад аслад  
шуд,  
Тэ восьлав сöмын сідз, эз нитшсяв мед ас  
ордым.

Öд весиг сiмö ёль, кор воштö ассьыс туй,  
Сэк ковтём сылөн ва: он веськöд горш ни  
нинём.

Тэ олём гысьыс эн, эн некор бокö уй,  
Тэ — морт, а абу гыч, код олö нюйтинын.

## ПУШКИНЛЫ ПАМЯТНИК ДОРЫН

Выль кывбур Пушкин быттё панё —  
Нэм кежлас думыштчөма сідз.  
Со дзользысь лэбач тшөтш жө тані  
Поэтлысь чөвлунсө оз видз:

Сё ногөн ливкйөдлыны кужө,  
Мый йөзлөн ышмө весиг лов,  
Мый весиг изйысь тэчөм Пушкин  
Бур сылан кывзытөг оз ов.

Москва.

\* \* \*

Быттё став карыс Неваөд кывтө,—  
Йөзыс сы мында уличті люзгы.  
Гожся сынөдыс асфальтсө сывдө,  
Өд жар-птица моз шөндіыс юзгы.

Менам сьөлөмөй чиктылө-радлө,  
Чужан сиктөй көть уна верст сайын.  
Коми пармасынь тэн, Ленинградлы  
Ыджыд дружбалысь пөсь чолөм вайи.

Шуда чужөмьяс йөзыслысь аддза,  
Аддза славалысь куслытөм бияс.  
Воссьө тані история ачыс,  
Көдөс кыөма нэм кежлө изйысь.

Тэнө көсйисны вины — эз вины:  
Враглөн вөсниджык вөлөма сөныс.  
Тшыглун пычкис көть тэнсьыд кос синва,  
Аддзин аския луныслысь рөмсө.

Тэкөд сёрнитіг кывъяс оз ковны:  
Весиг чөв олөм унатор казытө.  
Тэын быд мортлы быдтор зэв дона,—  
Он өд весь нимава став му шар пасьта.

Сатин платтьоа котөртө Нева,  
Йөктысь гыяснас синъяссөс ёрө.  
Кывтө збодера кувлытөм нэмө  
Шудлысь кыасө озтысь «Аврора».

Ленинград.

\* \* \*

Пось чолөм тэныд, эзысь Волга,—  
Россиянымлөн медшөр сөн.  
Тэ уна карө, сиктө волан,  
Зэв кузя нюжөдчөм шөвк вөнъ.

Ок, кутшөм кыпыд сыланкывъяс  
Ас нэмад сиисны тэд йөз...  
И тэнсьыд сялькөдчысь лөнъ гыяс  
Эз повзьөд враглөн ыджыд грөз.

Тэ ставсө йөзлы помөдз сетан,  
Он төдлы шойччөг лун ни вой.  
Яр бияс ГЭС-яслысь тэ пестан,—  
И личалыштө вөвлөм дой.

Көть мыйта кадыс бөрө коляс,  
Ён мускулъяссьыд вын оз быр:  
Сюрс песни юяс, шоръяс, ёльяс  
Тэ ордө писькөдчөны пыр.

Тэ паськыд, визув, мича статя —  
Ас муын радейтана ю.  
И таысь медвойдөр пось аттьö  
Тэ посни чойясыдлы шу.

Горький кар.

## ДУБ ПУ ДОРЫН

Варовитам выль ёрткөд ас кежын.  
Вуджөрьясным кузьöсь рытьядор.  
Джуджыд дублань — братскöй гулань кежим,  
Сэссия ёртöй паніс татшöмтөр:

«Пашкыр дуб зэв нориника дзуртіс,  
Бытьö долис медся шуштöм висьт.  
Сійö здукас дубкөд орччөн сувтіс  
Квайт морт пиысь öти — коммунист.  
Төдлі сійöс: быдмим öти сиктын,  
Öти бритва помысь бритлім ус.  
Вөлі снажен, серамбана, сибыд,  
Да и меысь весьтөн вөлі кузь.  
Öтшöтш свадьба көсйим вöчны асьным:  
Радейтім кык чойöс сэки ми.  
Верөсөн эг лоöй некоднанным, —  
Ставсö торкис войналөн съöd би.  
Сэссия ёрткөд, кийн автоматөн,  
Рытиввылö мунім уна верст.  
Ёсь тыш бöрын, Киев карсянь матын,  
Пöлучитім сыкөд партбилет.  
...Дуб пу дорын сёрни вөлі дженьыд,  
Гөгөр швичкис враглөн свинеч шер.  
Дуб пу сайысь оз позь бокö петны,  
Тасянь ылөдз пластнитчöма эрд.  
Öтмындаөн юклім ми патронъяс,  
Öта-мөдлысь пöся кутлім ки.

Вомгорулын мургыштам роч зонъяс —  
Квайт салдат, квайт мамлөн дона пи.  
Миян сьылём регыд мысти орис,—  
Кывны кутіс тōдтōм сёрни гор.  
Гашкō, сёс вайō татчō морыс,  
Сёлы паныд метитчам квайт морт.  
Миян водзын эрдыс тырис шойōн:  
Мый тэ корсин — сюрис тэд, пез гаг!  
Но и менам сьолём тырис дойōн:  
Ас йōз вотōдз унмовсис земляк...  
Часысь дырдзык муніс тайō косьыс.  
Ёртъяс пōвстысь өтнамōн эг усь.  
Налөн слава югыд биōн ломзьō,  
Вечной би моз олōмныс оз кус...»

Украина мездылōма ёртōй —  
Тані шойччысь кок пōла салдат.  
Морōс вылас Красной Знамя орден  
Казьтылō пыр сылы пōсь том кад.  
Енэж пōрччō гожся лōзов чышъян,  
Ньōжйō пуксьō шоныд, пемыд вой.  
Ёртōй зумыш,— син водзас ёсь тышъяс.  
Сьылō дуб — морт нэмся часōвой.

Моршин кар,  
УССР.

### ЧЕРНОЙ МОРЕ

Сё рōмōн ворсō Чёрной море,  
Сы чужōмбанын абу мудз.  
Зэв вылын сылōн паськыд морōс,  
И помтōм отсō син оз судз.

Ме чайтлі тәнсьыд, Чёрной море,  
Дас судта керка ыджда гы.

А тэ жö вувзъысытöг, лöнь горөн,  
Ас ногыд тэчан сыланкыв.

Тэ весьтын чипсасыö дзор чайка,  
Лöз ваас инмöдыштлö борд.  
И сола сынöдсыд, ме чайта,  
Оз умлы тані шойчысь морт.

Öд тэнад зарни пляжъяс вылын  
Пöсь лыа быттö рудзöг пызь.  
Сюрс йöзлысь сёрни тані кылан,  
Тан пуртикасыö коді кыз.

Но петлö тöv ныр — скөр да дурысь,  
Тэ сэки ачыд — абу ас:  
Сэк тэнад пашкыр еджыд бурысь  
Руд изъя берег зырны дась.

Кор төвлөн скөралöмыс лаймас,  
Кор босытчас ойбыравны му,  
Тэ сэки куйлан блюдйын чай моз,  
Тэ весьтын кыптö шоныд ру.

Эг аддзыв öнöдз ловъя море,—  
Ме босытла сылысь соддзö гы,  
Ас пытшкын медым нуны гортö  
Лöз мореыслысь мич и шы.

Евпатория.

Веж Карпатъяслысь мичаник серпассö,  
 Гуцул-нывъяслысь лöсьыдик стать,  
 Бобöняньяса пöката эрдьяссö —  
 Татысь аддзыны сёлöмöй рад.

Еджыд кымөръяс гöраын шойчöны —  
 Гöра йывъясыс ставыс дзик дзор.  
 Увтасинъясö керкаяс вöйтчöмны,  
 Ылөдз юргö трембиталөн гор.

Уна рöмъяса паськöмыс йöзыслөн,  
 Ыж ку киптаръяс\* — мойдын кодь дзик.  
 Гöра бокшаын дзоридзьяс öзйöны,  
 Кисьмысь яблөгөн видзөдчö сикт.

Петан рытгорув гожся лөнъ ывлаö —  
 Коломыйкаяс\*\* чужтасны нюм.  
 Öшинь увъясын сьыланкыв шыалö:  
 Кывзы мыйта кöть — некор он ум.

То Маричка, то Анча, то Галочка  
 Кытшö корасны — йöктыны пет.  
 Рочөн мылаа сьылö Наталочко,  
 Гөстьöс гажтöмлун эз шымырт мед.

Шондi югöрысь чусмöма синкымныс,  
 Чужöм выланыс пемыдгöрд гож.  
 Сиктысь вöйтырсö тöда ме нимнаныс,  
 Быдөн — гöраса ю кодь жö чож.

\* Киптаръяс — состöм курткаяс, кодьясöс мичмö-  
 дöма уна рöма кучикөн да новлöны мужичöйяс и  
 нывбабаяс.

\*\* Коломыйкаяс — народнöй сьыланкывъяс.

Тані быд пöрйö друг ордö воывла,  
Варов сёрниным войöдз оз ор.  
Сійö ошкö ас сиктаныс олöмсö,  
Водзті вöвлöма коді зэв нор.

Сійö радейтö шондіа лунвывсö,  
И Карпатъясöс нэм чöж оз веж.  
Чужан мусö код кокниа вунöдö,  
Олö му вылас джынвыйö весь.

Менам парма эм, пöртмасьысь кыа и,  
Мамөн козьналöм мусаник кыв.  
Эг öд весьшöрö ёртöйлы ас кывйөн  
Тайö кывбурсö талун ме кы.

Прикарпатье.

#### КАРПАТЪЯССА ТУЙ КУЗЯ

Гöра йывъясыс кымөръяс сайын,  
Сэтчö кокниа некыдз он письт,  
Но пос тшупöдъяс вывті моз кайö  
Ёна ружтігтыр миян «Турист».

Ок и чукыльöсь-мукульöсь туйыс,  
Быттö важөн нин пакталöм шор.  
Кадысь-кадö сьöd читкыля уссö  
Кинас малыштлö миян шофёр.

Водзын — гöралөн медджуджыдіныс,  
«Перевал» — сьлөн татшöм и ним.  
Сійö унаöс кыскö ас дінас,  
Сэтчö туйнымöс кутам тшöтш ми.

Воча волöны пашкыртчöм пожöм,  
Сёртас бокшаын дөввидзысь дуб.

И шофёрлөн пыр долыдмө чужом,—  
Ывла серпасыс сылы зэв люб.


А ми ортсыö видзöдны полам,—  
Гöра сёртасыс пемыд да крут.  
Бытьöн дум вылад татöнi волö  
Эжва юбокса шыльквидзысь луд.

Быдöн полыштам гусьöн и явö —  
Тайö туйыс нö помасьлас оз?  
И шофёр вылö видзöдам ставöн,  
Ставöн видзöдам ен вылö моз.

\* \* \*

Туйвежъяс — найö кыдз вир сөнъяс:  
Овлöны дженьыдöсь, кузьöсь.  
Сэтчöдз ме нырчча ас туй вöсна,  
Нэм кежлö кытчöдз ог унмовсь.

Пос помö пета, и туйвежъяс  
Корöны кытчöкö ылö...  
Му вылас чужи эг жуйвидзны,—  
Сьёлöмöй, менö тэ кылан?!



# АЛЕКСАНДР НЕКРАСОВ

---

## Тувсов зэр





\* \* \*

Мед ме унасö эг кö на вöч,  
Ме кö этша на олöмас кужа,  
Но öд та вöсна, та вöсна стöч  
Сэтшöм азыма босьтча век уджас.

Кöсья йöзыслы козьнавны шуд,  
А не сöмын куш перйыны аслым,  
Медым некод эз шогсьыны кут —  
Долыд вöлі век йöз сьölöмгьяслы.

### КОМИ МУОЙ МЕНАМ

— Коми муöй менам помтöм-дортöм,  
Вөр-ва озыр чериöн и яйöн.  
— Та йылысь ме важöн тöда, ёртöй,  
Абу выльтор висьталöмыд тайö.  
— Коми муöй озыр чöдлач лöзöн,  
Газöн, нефтьöн — мыйыс сöмын абу?!  
— Тайö бур!  
Но кык пöv бур, мый йöзöн  
Озыр Коми, кодгьяс абу лябöсь.

## КОМИ ИОЗ

Оз ышнясьны Комиад йöзыд,  
Оз лэпавны тэ водзын ныр,  
Кор төвъяснад овлывлö кöдзыд,  
Тэ быд ордö шонтысьны пыр.

Тэн вевтясны пызантö здукöн,  
Кöть тöдса ли тöдтöм — тэ сей.  
Быд тасьтыын сёяныд чукойн,  
А сы бöрын тэныд бур вой.

И узян тэ тöдтöм йöз ордын,  
И думайтан: «Овлö тай со,  
Öд тани ме дзик быттьö гортын,  
Кöть гортöдз на, тöда, эг во».

## КОМИ КЫВ

Коми кывйын эм пармалöн шы,  
Паськыд, туруна эрдъяслöн баныс.  
Коми кывйын эм Эжвалöн гы,  
Кодлөн енэжысь лöз овлö ваыс.

Коми кывйын эм колиплöн гор,  
Коді меліа дугдывтöг сьылö,  
Сійöс рытьяснас кывзан тэ кор,  
Быттьö морöсад сьөлöмыд сылö.

Коми кывъяным — тувсовъя кад,  
Кодыр серпассö вежлывлö ывла,  
Вöччö дзоридза платтьöөн сад,  
И он тöд сэки, долыд тэн мыйла.

Коми кывъяным вөр-валөн көр,  
Кодысь век менам гажмывлö юрöй.  
Коми кывйын эм дадюла көр,  
Коді лым еджыд тундраті вурö.

Коми кывйын эм востымлөн сер,  
Кодлысь став рöмсö войвывным öктö.  
Коми кывйын эм медводдза зэр,  
Коді öддзöмөн туй вывті йöктö.

Коми кывйын эм шонділөн дзирд...  
Эз öд прöста мен сэтшöма мусмы,  
И ме эска, мый сійö оз чир  
Да и уна во мысти оз чусмы.

### МЫЙЛА ТЭ КОМИ?

«Мыйла, вокö, тэ коми,—  
Ёртöй юасьö тадз,—  
Кодыр нырыд и вомыд  
Ми кодь жö швач?»

«Мый нö дивöыс — миян  
Эм кө öткодълун тан.  
Помтöм-дортöм Россия  
Тэн и меным öд мам».

## УНИВЕРСИТЕТ

Ме помнита зэв бура,  
Тан нинөм на эз вөв,  
Куш гудыр уна гуран  
Да мунны векньыд пөв.  
Но тайё вөлі важөн,  
А öні мөд ног сэт.  
Он эскы? Кыптіс дажө  
Выль университет.  
Кыдз көсьян, сідз и донъяв,  
Но долыд талун мен.  
Өд коми нывъяс, зонъяс  
Со велөдчöны сэн.  
И паныдасьлас воча  
Татарин и туркмен;  
Украинецьяс, рочьяс,  
И ставлөн ним — студент.  
Республикалөн миян  
Пыр вежсьö чужөмбан.  
Россиялөн став пиян  
Өд уджалöны тан.

## МЕ ЛЕНИНГРАДЫН ÖНІ ОЛА

Ме Ленинградын öні ола,  
И Нева дорö частö вола.  
Кор муна-восьлала сы пөлөн  
Войвывса муысь коми морт,  
Век помтөг радлө менам сьөлөм:  
Тат ветліс Пушкин — ыджыд ёрт.  
Невалысь аддзыліс лөз гыяс,  
И чöла кывзіс сылысь шыяс.

И видзодлывліс ыло водзё,  
Горд кыа ломаліс на кыт,  
И шуліс: «Аддзыны нин позьё,  
Мый гөгөр ыджыдалё рыт.  
Ак, кутшөм өдйё вежсьё ставыс,  
Ак, кутшөм өдйё лэбё кадыс!  
Со воліс лун и абу важөн,  
Сы пыдди аски локтас мөд  
И тыртас сьөлөмъяс мөд гажөн,  
А, гашкө, шогөн... он өд төд».  
Поэт тадз мөвпавлывліс уна,  
А өні ме нин таті муна.  
Нева век шывгө аслас өдөн,  
Ме төда, сійё уна төдө,  
Но висьтавны оз вермы нинөм,  
Та вылө сылөн абу сям.  
И таысь менам гений дінө  
Пыр муслун содө, а оз ям.

\* \* \*

Кор ветлөдлі ме Нева дорті,  
Век пырліс юрө мөвп:  
Эк, эськө визьнитлыны гортө,  
Өд дыркодь сэн эг вөв».

Но коліс кад, и ме нин важөн  
Со бара гортын, рад.  
И бырис тэысь ёна гажөй,  
Кыз мамысь, Ленинград!

## БЛОКАДА

Эз вермы немеч пырны Ленинградö,  
Кöть нырсö суйлис быдласянь,  
И сэки шуис: «Вöчамöй блокада,  
Мед сэни олысь йöзлөн бырас нянь».

Лун бöрся мунис лун, и керка лоис кöдзыд,  
Быд пельöс öшис сьökыд черань вез,  
И колö эськö пачад мездор пес,  
Но выныд абу — он во посводзöдыд.

И пуляысь, и тшыглун вöсна  
Смерть нуис эськö унаöс на,  
Но мездлун вайис бордъяс вылас кад.

И кодъяс вöли йöзсö тшыгйöдöны,  
Му пытшкын лыныс налөн сисьмö öни,  
А Нева вылын олö Ленинград!

## ПИСКАРЕВСКОЙ КЛАДБИЩЕ ВЫЛЫН

Ленинград!  
Менам син водзын пемдiс,  
Быттьö кок улысь вильснитiс му.  
Мый мен первойсö син улö шедiс —  
Паськыд веркöса эжаа гу.

Öти гу дорын мöд — сiдз жö ыджыд,  
Сэсса коймöд и нельöд и дас.  
Ленинград, мыйын та ыджда мыжыд,  
Мый тэн вичмöма татшöм лёк пас!

Ворсö музыка, сьöлөмөс дойдö,  
Петö му пытшкысь куслытöм би.  
И война дiнас лöглунöс ойдö,  
Весиг тökötö сырмыштö ки.

И ме думайта: збыль öмöй тайö,  
Мый эм олöмас сымда на лёк,  
Мый на йöзыслы смерть война вайö —  
Кор жö лёкыслөн помассяс срок?!

Ми öд йöз, и ми уна нин вермам,  
Со öд космосö лэблiс нин морт.  
Вайö, став бур йöз, сiдзи ми керам,  
Мед эз пов некор войнаысь горт.

Мед эз мусукъяс миян нэм бöрдны,  
Мед эз пöрысьмы кадсьыс водз мам,  
Медым став лёкыс век кежлö йöрмис,  
А радлунным некор эз ям.

Ньöжйö восьлала ме гуяс дортi,  
Кокни тöv летö пуяслысь кор...  
Татчö воланныд, ёртъясöй, кор тi,  
Аддзад олöмсьыс ыджыд збыльтор.

## ВЫЛЬ ОЛӨМ

Ленинградын выль олөмыс пуö,  
Тэрмасьö троллейбус и трамвай.  
Паркъясын нин öшлöма быд пуö  
Турунвиж кöсынка шоныд май.

Любöпырысь восьлалöны йöзыс,  
Накöд öтвыв муна сьылiгмоз.

Неваыслөн, енэжыслөн лөзыс  
Казытö меным кисьмөм чөдлач роз.

Рисуйтчöны челядь асфальт вылын,  
Чужöманыс радлун налөн тыр.

Кутшöм бур, мый война кадыс ылын,  
Кутшöм бур, мый олам радлігтыр.

### ЛЭБАЧЬЯС

Лэблöны лэбачьяс ылö,  
Лунвылö, олöны дыр.

Лымйыс кор войвылын сылö,  
Гортаныс локтöны пыр.

Оз вун тай Рöдина-гортыд,  
Кöни лöz юяс, веж вөр.

Ветлас кö кытчöкö мортыд,  
Лэбач мөз локтас жö бөр.

### ВИДЗА ОЛАН, СЫКТЫВКАР!

Видза олан, Сыктывкар!

Гажöй бырис тэысь,

Гортысь мунлі, вöлі ар,

Кисьмö вöлі пельсь.

Öни бара тувсов кад,

Вежödöны пуяс,

Лымйысь мездмöма асфальт,

Ловзисны лöz юяс.

Шонді садьмө вывті водз,  
Водө рытнас сёрөн.  
Менө рыт и асывводз  
Ывла вылө корө.

Бара шувгас шоныд зэр,  
Тырыс дзоридз петас.  
Чужан мулөн муса сер  
Оти овлө светас.

\* \* \*

Бара ывла вылын шляча,  
Сөнікасьсё лым.  
Кор нин волас бара татчө  
Первой тувсов гым?

Ёна виччыся ме сійös,  
Медым мыччас бан,  
Зэркөд өтвывтчөмөн сьылас,  
Йөктас «Шондібан».

Джуджыд турун петас водзвыв,  
Быдмас катшасин.  
Лоө сэтшөм мича войвыв,  
Мый оз эскы син.

Но, а öни шляча усьö —  
Сөнікасьсё лым...  
Көнкө матыстчө нин гусьөн  
Первой тувсов гым.

## РАДЕЙТА ТУЛЫС

Ме радейта тулыссö сыла,  
Мый тулыснас кöдзыдыс сылö,  
Мый мунігад ылісянь кылö,  
Кыз томиник шор жургö — сьылö.  
Ме радейта тулыссö сыла,  
Мый Му шарыс радлö тшöтш сылы,  
Мый локтасны шоньдик зэръяс,  
И кыз пу виж чышъянсö перъяс,  
Мый тулыснас, шоньд апрельын,  
Тшöтш чужлöма вождь миян —  
ЛЕНИН!

\* \* \*

Вушйö туйяс вылысь лым,  
Нюлö сійöс шондi.  
Мыйкö вöрзис сьөлöмын —  
Радлыны ме пондi.  
Кыськö öвтö шоньд төв,  
Кутчысьны ог вермы.  
Нюмда, шуа: «Но́лы, тэ,  
Ывла выв, вай зэрмыв.  
Медым ставыс ловзяс бөр,  
Нимкодь лоö мулы.  
Сійöс сыналас ёсь гөр,  
Чужны шепта сюлы».  
Но, а ывла вылыс мен  
Воча сiдзи ропкö:  
«Эн на тэрмась, ёртöй, эн!  
Тулысыс на локтö».

Көдзыд төлыд бара муніс со,  
 Вежсис войвывнымлөн сер.  
 Вышивайтө зарни сунисөн  
 Катшасингъяс шоныд зэр.

Ытва ойдіс видзьяс пасьтала,  
 Колип сьылө сьыланкыв.  
 Льом пу еджыд платтьө пасьталө,  
 Кыдзи зонлөн муса ныв.

Пемыд войыд оз и воывлы,  
 Сійө быттьө эз и вөв.  
 Та вөсна ме ола войвылын,  
 Көть на ещө өти төв.

### ТУВСОВ ЗЭР

Тувсов зэр, ме тэнө ёна вичча,  
 Медым мыськан шоныд ванад му,  
 Медым бара еджыд дзоридз мыччас  
 Ошинь улын сулалысь льөм пу.

Медым локтас саридз дорысь дзодзөг,  
 Сьылас бара войбыд колипкай.  
 И ме ог пыр гортө асывводзөдз,  
 Кытчөдз шонді вөр йылөдз оз кай.

Мыччис йывсö нэриник петас,  
 Сійö, шуны кö, зэв на жеб,  
 Но оз некоді тайö светас  
 Ассьыс муслунсö сы дорö дзеб.

Сійö сöмын на овны пондіс,  
 Мөдіс пыдöджык лэдзны вуж,  
 Сылы отсалö зарни шонді,  
 Медым водзвыв эз кынты пуж.

Дзоля коръяссö паськөдö ньöжйö,  
 Медым мичаммис мулөн сер,  
 Сылы отсөгсö сетны вöзйö  
 Первой тувсовъя шоныд зэр.

#### КОН НУО АССЬЫС ЛӨЗОВ ГЫЯС ЭЖВА

Кон нуö ассьыс лөзов гыяс Эжва,  
 Крут берег йылö кыпöдчöма сикт.  
 Ме сэні эг вöv, гашкö нин, во вит,  
 А мамö шуліс: «Пиук, коркö кежав».  
 Ог волы мыйла — помкаыс зэв уна,  
 Но тöда вичмас коркö меным кад.  
 И сэтшöм сылы лоа ёна рад,  
 Мый пырысь-пыр ме сиктö муна.  
 Сэк лоö тулыс. Лэчча теплоходön,  
 Сэк ытва вевттыс лымйысь мездмöм лос.  
 И туйыс лоö васöд, а оз кос,  
 Но аслам сиктöдз муна, другъяс, подön.  
 И бара аддза, кыдзи шувгö пожöм,  
 Кыдз вöрса лэбач дасьтö аслыс поз,  
 А льöм пу мыччö ассьыс еджыд роз  
 И гусьön вашкö: «Регыд воас гожöм».

Ме сиктö вола öнi шоча,  
 А коркö овлі сэн.  
 Быд асыв вöлі петас воча  
 Ярьюгыд шондi мен.

И эшкын улын на ме узя,  
 А сийö ёрö син.  
 И дözмöдчас öд бура кузя,  
 Он аддзы аслыд ин.

Кöть узьыштны на содтöд кöсьян,  
 Мед вöтасьны бур вöt.  
 Друг кыла бара — вötлö мöсьяс  
 Сикт кузя Анна тьöt.

А мамö пачсö важөн ломтiс  
 И пöжалö пöсь нянь.  
 Кöть унмöй менам на и локтiс,  
 Ме аслым шулi: «Шань».

**МУСА МАМÖЙ, ШОНДИБАНÖЙ**

Муса мамöй, шондiбанöй,  
 Челядь керка тыр,  
 Некор тэнад найöс дiнö  
 Муслуныд оз быр.  
 Муса мамöй, шондiбанöй,  
 Винёв тэ, кыз бадь.  
 Ытшканiнсьыд волывлан да  
 Кыкнан киад гадь.  
 Муса мамöй, шондiбанöй,  
 Тэ на би кодь яр.

Вирпас эм на чужомбанад,  
Котъ ветымын ар.  
Муса мамой, шондibanой,  
Статя тэ, кызд гум.  
Бур йозыслы лоан паныд,  
Козиналан нюм.  
Муса мамой, шондibanой,  
Тэ од рочакань.  
Пызан вылад век эм банйом  
Ковдум, черинянь.  
Муса мамой, шондibanой,  
Тэ, кызд визув шор.  
Гора воча сьокыд кайны,  
Но он отсөг кор.  
Муса мамой, шондibanой,  
Югыд кодзув тэ.  
Пияныдлы туйсө индан,  
Эз ылавны мед.  
Муса мамой, шондibanой,  
Ыджыд тэнад лов.  
Шонди улас, микод тані,  
Дырджыка на ов.

### МАМЛЫ ПРАЗДНИК ЛУН

Енэж помтөм-дортөм,  
Быттьо саридз от...  
Сюяс повстти гортө  
Локта коми морт.

Порысь мамө важөн  
Менө виччө нин.  
Меным сэтшөм гажа,  
Мый ог адзы ин.



## ЗАВИДЬТЫЛІ ВОКЛЫ

Завидьтылі коркё ыджыд воклы,  
Уджадö нин, мися, со — монтёр.  
Сутугаысь йитлö ордым токлы,  
А ме сы моз тадзи верма кор?

Майшасьлывлі тадз ме ичöt дырйи,  
Кытчöдз кадыс кызь во мен эз тэч.  
Но, а сэссия удж вылö жö пыри,  
Коркөй вокö шуис: «Молодеч».

## СТРОИТЕЛЬНОЙ МИЯН ОТРЯД

Ми асьнымöс жалиттöг уджалам-гöрам,  
Век коскөдзным тушаным куш,  
А удж вылысь локтам да кок йылысь пöрам,  
Öд шойччыштны колö кöть сутш.

Но мыссиям да вежсям — и мудзöмным бырö,  
А Подзьсяяс шуöны: «Дерт,  
Став местаыс клубаным миянлөн тырö —  
Студентьяслөн лöсьыд концерт».

Быд уджалысь клубаныс волыны эштö,  
Оз прöст кадсö лёкнога дзуг...  
Ионика ворсö, и сылö «Надежда» —  
Ансамбльлөн солистканым Круг.

Со кывзысьяс, тыдалö, радлöны бара,  
Оз содтöд кыв висьтавыны ков.  
Зэв ясыда кужöмөн ворсö гитара —  
Йöз гажöдö Лён Чисталёв.

Концертсыд век шулісны бур йёзыс аттьö,  
Эз некоді гажтöмчöм доль,  
Но нывъяслөн выланыс медмича платтьö,  
Öд танцытöг рытыс оз коль.

Жар гожöмыс тöдлытöг арланьö вуджис,  
Да, öдйö зэв котöртис кад,  
Но уджаліс бура и шойччыны кужис  
Строительнöй миян отряд.

### КОЛАНА УДЖ

Сунисöдз кöтасис паськöм,  
Кок улын туйыс зэв няйт.  
Чизыр тöв чужöмö швачкö,  
Лёксö кöть бурсö тэ кайт.

Лэбулö мешöкъяс новлам,  
Пытшканыс сьökыд цемент.  
Кöтöдны зэр улас полам,  
Стройканым эз сулав мед.

Кажитчö силаыд бырис,  
Киыд и кокыд дзик кын,  
Нöшта и лолыд на тырис,  
Ок, эськö содтыштны вын?!

Видзöда, ёртöй тшöтш кашкö.  
«Этша нин, — шуыштіс, — друг,  
Мешök дас кольöма, гашкö,  
Новлам и шойччыштам здук».

Вынöй пыр ыльöбтіс бара,  
Уджавны усьтöдз кöть дась.

Мешөкъяс кыскалам яра —  
Ог вешйыв помөдзыс тась.

Нуома медбөръя мешөк,  
Помассис колана удж.  
Ковмас кө уджалам ещө,  
Сөмын мед лөнъыштас мудз.

### РЫТЪЯ ШКОЛА

Көдзыд төв вылын уджала лун,  
Рытнас тәрмасиг школаө муна.  
И ог төдлы, кыз сывйыштас ун,  
Кызди партаө төдлытөг суна.

Быттё клеитчө, тупкыссьө син,  
Кийй свинеч кодь, төдчымөн сьөкыд.  
Ёртөй тувкнитас: «Мый, унмовсин? —  
Тадзи унаысь лолө — оз өтчыд».

Сьөкыд мудзөмтө некыз он пык,  
Көть и шойччыны шедлывлө лун-мөд.  
Быд рыт велөдчиг первой час кык  
Ёна мучитө быдөнөс унмыд.

Но, а сы бөрын личалө сой,  
Юрөй палялө, дөрөм сос пуджа.  
И, көть өшиньё видзөдчө вой,  
Босьтча сьөлөмсянь велөдчан уджө.

Баракъяс вöйöмаöсь лымыö,  
 Скöр вой төв чегö пулысь йыв.  
 Друг швачкас стенö, быттьö гымньöв,  
 Ас кöдзыдлуннас ывла выв.

А керка пытшкын ыпйö жарөн  
 Гöрд плитаа неыджыд пач,  
 И некод кынмöмтö оз гарав,  
 Оз некод пасьтав ватнöй гач.

Мед кöдзыд төлын абу кокни,  
 Вөр лэдзысь кынтывлö ки-кок,  
 Но тани некодi оз сёрнит:  
 «Кузь руб кö абу — сэтшöм лёк».

Тан йöзлөн кöсиймъясыс сöстөм,  
 Оз некод мудеритны куж.  
 И тайö сöстөмлуныс öзтö  
 Быд мортö вöчны ыджыд удж.

### СОНЕТ

(В. М. Размысловлы)

Мый уджач морт тэ — важөн кывсян,  
 Вөр кылöдин эн öти во,  
 Но сьөлөм вылад тэн оз во,  
 Код дзоргö мукöд вылас вывсянь.

Тэ нэмтö йöзкөд вöлин сэтөн,  
 Көн пуис налөн ыджыд удж,  
 И эн öд ланьтлыв некор сутш —  
 Став ассьыд вынтö помтöг сетин.

Тадз кольліс аръяс бөрся ар,  
Тэн кучкис квайтымын нин ар,  
Но сьолөмыд век тома öзйö.

Мед сійö уна во оз кус,  
Оз тупкы нинөм — сiм ни бус,  
А йöзлы уна радлун вöзйö.

### СИКТЫН ОЛÖ БАБÖ

Бабö олö сиктын,  
Тыртö квайтöд дас.  
Кутшöм удж он ликты,  
Сэн эм сылөн пас.  
Страдна дырйи ытшкö,  
Том йöзысь оз коль.  
Кочöгыс оз бытшкы,  
Шойччөг оз жö доль.  
Шуньгас арлань гожöм,  
Вотöс петас тыр.  
Вöрад ветлас тожö,  
Эбöсыс оз быр.  
Но а кöдзыд төвнас,  
Шойччан кадыд эм,  
Сöмын татшöм мөвпъяс  
Баблөн абу нэм.  
Рака лоскысь турун  
Кыскö сылөн вöv.  
Чöсмасяс мед Сюрунь,  
Лысьтас унджык йöv.  
Рытнас вурун печкö,  
Кепысь корö внук.  
Шойччыштны, дерт, эськö  
Баблы колö здук.

Но оз кӱсйы сійӧ  
Некор овны весь:  
«Нинӧм, — шуас, — пиӧ, —  
Бурыс абу сэсь».  
Век тадз мыйкӧ вӧчӧ,  
Оз и ланьтлыв сутш.  
Олӧ — вылӧ пӧчӧ —  
Эм пыр сылӧн удж.

\* \* \*

Со колис лун, и пуксис вой,  
Дзик ставыс гӧгӧр лӧнис.  
Ни сьӧкыд мудз, ни сьӧкыд дой  
Оз торкны мортӧс ӧнӧ.

Но мунас кад, и асыводз  
Бӧр асьыс пайсӧ босьтас  
И сэки, кыздикӧн и водз,  
Морт бара синсӧ восьтас.

И бара удж, и бара лун,  
И быдсямаыс лолӧ.  
И таысь некытчӧ он мун,  
Ӧд тайӧ шусьӧ — олӧм!

### КОДИ ТӦДАС

Кодӧ тӧдас, кутшӧм  
Аски лоӧ луныс.  
Помасьлытӧм уджӧн  
Гашкӧ, сійӧ мунас.

Сьокыд удж да ньылём  
Востерлун оз орөд.  
Паськыд видзьяс вылын  
Кыптас лыдтём зорөд.

Чери кыйысь кыяс  
Праздник кежлө ёді,  
Быдөнөс яй-выйнас  
Чөсмөдлывлө коді.

Асывсяньыс зэр кө  
Мича лун оз тасав,  
Кыптас джуджыд керка  
Югыд өшиньяса.

Талун көть со витсянь  
Зэрыс бара дурө.  
Аскисө ми виччам —  
Эскам сөмын бурө.

### СТРАДНА

Эг ме садьмыв некор сёрөн,  
Медым шонді ёрис син.  
Кыа ломзяс, батьёй корө:  
«Нолы, пиёй, чеччы нин».  
Дыр ог нюжмась, чечча, мысся,  
Юа няньён стөкан йөв,  
Сэсся пасьтася дай кысся  
Батькөд видзьяс вылө чөв.  
Сөмын төвру пөльтө надзөн,  
Эзысь лысва мыськө кок,  
Көть и гач кокёй нин вазис,  
Меным лөсьыд — абу шог.

Час, а, гашкө, дырджык мунам,  
Воас паськыд, гажа эрд.  
Зорөд тыр ми ытшкам луннад,  
Коть и ёна мудзам, дерт.  
Кыпыд уджас босьтчам кыдзи,  
Кисьтам батькөд сымда пось,—  
Босьт коть дөрөмтө да пыдзырт  
Вебра ваыд петас сэсь.  
Талун лунтыр ытшкам-өвтам,  
Аски лоө мөд ног удж,  
Турун косьмас, сабри чөвтам,  
Сэссия-й мөд видз вылө вудж.  
Быд лун ньылөм лэччө вожөн,  
Мудзлө дзенавтөдз и сой,—  
Көдi дышөдчывлө гожөм,  
Сийө төвнад йөв оз сөй.

\* \* \*

Кор локта аслам сиктө,  
Мэ сэтөні век ас,  
Оз некод өдзөс сипты,  
Оз некод пукты тас.

А мөдарө на — воча  
Со быдөн мыччө ки.  
И кыла: «Волан шоча  
Тэ ми ордө, бур пи».

А менам нюмөй петө,  
И сьөлөмөй зэв рад.  
Со бара кисьмө сэтөр,  
Со бара гожся кад.

Ме аски босьта коса  
Да мудзтөдз ытшка дыр.  
«Тэ ытшкан, быттё ворсан»,—  
Мен мамө шуас пыр.

Ме көсья пөдтөдз мудзны,  
Эг важөн мудзлыв өд,  
А сэсья бура узыны  
Да вөтавыны бур вөт.

Мен долыд, кор ме вола  
Да аддзыла ас сикт.  
Ме сәні вежон ола  
и томөн лоа дзик.

#### ТШАКА ЗЭР

Талун суис менө ыджыд радлун,  
Вежсис быдөн менам чужөм сер.  
Сы вөсна, мый войвыв парма-садлы  
Поводдяыс вайис тшака зэр.

Кисьтө зэрыс, дугдивлытөг кисьтө!  
И көть эськө ывла вылыс руд.  
Некоді оз норась ни оз висьтав,  
Татшөм луныс дзескөдө мый шуд.

Пуяс вылын гырысь лысва мольяс  
Сөстөмөсь, кыз быттё синва войт.  
Зэра луныс миянөс кор коляс,  
Вөрыс лоө збыльысь гажа мойд.

Веж лыс улө петас мича ельдөг,  
Мыччас гөгрөс юрсө дона гоб.

Асывнас, кор енэжтасыс кельдö,  
Вöрса гöснеч вотны öдйö лок.

Пестерыд и падъяныд пыр тырö,  
Но, а кöдзыд тöлыд воас кор,  
Казьтас тэныд гулыд ягö пырöм  
Пызан вылад вайöм чöскыдтор.

### КÖДЗЫД ВОЙВЫВ ШОЧА ОВЛÖ МЕЛIÖН

Кымөръясыс, быттö джуджыд гöраяс,  
Оз нин грымгы-гымав гожся гым...  
Вöрти пияныскöд восьлалöны йöраяс,  
Мыш выланыс усьö кöдзыд лым.

Найö корсьысьöны пияныслы лöнинъяс,  
Медым лымйыс сюрöдзныс эз тырт,  
Мед эз сёйны горш голия кöинъяс,  
Ключ ва дорö мөдöдчасны кыт.

Пуксис вой, да мыччысисны кодзувъяс,  
Мича лоис енэжыслөн от.  
Парма шöрын рас пытшъяс да коз увъяс —  
Медся шоныд йöраяслөн горт.

Кöдзыд войвыв шоча овлö мелiön,  
Тшöкыдджыка — трачкöдчысь да скөр.  
Сьökыд корсьны сёян лымти келигөн,  
Но оз эновт йöра асьыс вөр.

## АРСЯ КАД

Төв вылын коръясыс тiрзёны,  
Енэжыс зэрысь — руд.  
Уткаяс, дзодзөгъяс горзёны:  
«Аддзысьтёдз, миян друг».

Лысваыс ёнджыка кёдздёма,  
Кётёдё ки и кок.  
Кад арся серпасъяс кёдзёма,  
Гожсяыс оз нин лок.

Лунъясыс лоисны дженъидёсь,  
Гудыртчис кыпыд ю.  
И войясыс сэтшём пемыдёсь —  
Син водзын вежсис му.

## КОР ВОЛІ ИЧӨТ

Кор вёлі ичөт, олі быттьё мойдын  
И думайтлі: Ок, олём, мися, бур.  
Но лэчыд черён ётпыр кокёс дойді,  
И дойыс сійё дыркодя эз бурд.

Сэк первойысь ме ачым гёгөрвои,  
Мый олёмас тшөтш овлө сьёкыдлун,  
Мый шуда олём вермас лоны войён,  
От сьёкыдыскөд венсьыны кё мун.

Йирсьоны мосьяс бура,  
 Некод оз бокин жөдз.  
 Öвтыштö бöжнас Сюрö,  
 Пуксяс кö мышкас лөдз.

Нэриник кукань дорас,  
 Кодлөн эм кымöсас,  
 Кодзув кодь, куим дора  
 Мичаник еджыд пас.

Сюруклөн аслас вöрас,  
 Турунлань юрыс гонь,  
 Польдöма джуджыд вöра,  
 Судзöдчö муöдз нёнь.

Видз вылын уна дзоридз,  
 Öвтöны чöскыд дук...  
 Азыма рытьядорöдз  
 Йирсьоны мös и кук.

### ОБÖ

Пыралам кö вöлі мөгön,  
 Медым юны ва,  
 Ваяс вöлі миян обö  
 Кöш тыр зарава.

— Нолы, видлöй, муса пиян,  
 Тайö вöрса ма,  
 Горшныд оз кö веськав тiян,  
 Нöшта вая на.

— Сё пасибö! — вочавидзам,  
Сэсся мунам бөр..  
Ёрткөд öнөдз на ми видзам  
Заравалысь көр.

### ТОМДЫРСЯ КАД

Томдырся кад, тэ важөн колин бөрö,  
Он некор мөдысь ме дорö нин лок,  
Он нуöd менö паськыд видзьяс шөрö,  
Көн ытшигдырйи көтасьлывліс кок.

Томдырся кад, тэ тувсов лым моз сылін,  
Код бөрти муыс овлө дзикөдз куш.  
Тэ öні меысь лоин вывті ылын  
И аддза бура, мый на сэк эг куж.

Томдырся кад, тэ бөртö он нин косав,  
Но кывлывла на тэнсьыд мелі гор,  
Кор ва гөпъясын шөнді көчөн ворсö,  
И тельгигтырйи юö лэччö шор.

### ЭМ ТЫ..

Дерт, ставсö вуштö кад,  
Öд олөм водзö мунö,  
Но эм дед нима вад,  
И сійөс ме ог вунöd.

Сэн нэмсö кыйсис дед,  
Бек гортö вайліс чери,

А тыыс эз тыр мед,  
Бадь кустьяс ректис черөн,

Эз пыжнас некор пыр,  
Көн йөзлөн вөлі коляс,  
Көть чери гыбзьё тыр,  
Оз вөрзьөд, сідз и коляс.

Век төдліс ассьыс туй,  
Сы визьөд век и ветліс,  
А йөзө ныр эз суй,  
И завидьыс эз петлы.

Дыр. кежлө кольліс горт,  
Ми гажтөмчывлім быдөн...  
Мый уджач вөлі морт,  
Ас сиктын төдө быдөн.

Кызд парманымлөн пи,  
Вөр-вакөд йитліс ловсө,  
Та вөсна өні и  
Эм ты, код новлө овсө.

Дед важөн абу нин,  
Оз тыыс дорын довъяв.  
Но олө тылөн ним,  
И дедным быттьө ловъя.

### МОД СОНЕТ

Егор Иванович Ефремовлы

Да, овлө сьökыд пөра,  
Көть мукөд дырйи ор,  
Но некор тэ он скöрав,  
Он олөмнымөс ёр.

Быд мортлы бурсö сиан,  
Он лишнöй вомнад из  
Да эскан, мый Россия  
Збыль аддзас коммунизм.

Век уджкөд öтвыв олан,  
А сытöг овны — полан  
Да шуан: «Гажтöм мем».

Ок, муса Коми муöй!  
Мен радлун помтöг туö,  
Мый татшöм йöзыс эм.

### ШОНДИБАН

Кор батьöй видзьяс вылö муно,  
Оз уна сёрни пан,  
Но некор шунысö оз вунöд:  
«Бур асыв, шондiбан».

Водз асыв мамö пачсö ломтö,  
Мед пöжавны пöсь нянь,  
И быд здук кевмö сiйö помтöг:  
«Мед артмас, шондiбан».

Со Анна тьötö вöрысь петис  
И бара кылам тан:  
«Ен вотöстор мен, майбыр, сетис,  
Сё аттьö, шондiбан».

Том бать кöляска надзөн гургö  
И радлуныс оз ям.  
Став сиктным кузя ставлы юргö:  
«Пи чужис, шондiбан».

Морт олём туйыд абу мольыд,  
Эм сылөн гуг и бан,  
Но сьокыдлун йылысь ог дольёй,  
А олам, шондібан.

## АФРИКАН

Эм миян сиктын Африкан,  
Ветымын таво тыри.  
Кор сы вылө тэ видзөдлан,  
Век муно чотигтырйи.  
Ми ставөн төдам — фронтовик  
Войналысь төдліс лёксө,  
Кор сылысь пидзөсөдзыс дзик  
Вундісны шуйга коксө.  
Мед вөлі синва, вөлі дой,  
Код бурдны эз нин вермыв.  
Мед узытөг кольліс уна вой,  
Но сійө эз, эз нэрмы.  
Ас чужанінас локтіс бөр,  
Көн виччис пөрысь мамыс,  
И бара киас босьтіс чер,  
Мед отсавны страналы.  
И олём пуис, колис кад,  
Со талун ассьыс писө  
Служитны колльөдө салдат  
И пөся жмитө кисө.  
Медальяс морөс вылас тыр,  
Кыдз вөрзяс — зелякылө,  
Мый бойын, уджын вөлі пыр,  
Сетісны найөс сылы.  
Тадз олө сиктын Африкан,  
Төлкөвөй дядьө — юра.  
«Кыдз олан-вылан?» — юавлан  
И кылан: «Медся бура!»

## ВИСЬТАВЛЫВЛО БАБО

Кутшом сійо кадые вөлі, пио,  
Тэ, дерт, өні бура он и тод.  
Деыд муніс воча враглы, био,  
Тані вөлі олан көрыс мод.

Гортад тшыгось — виччысьоны нельон,  
Пызан вылад абу тусь ни пызь.  
Асывсяньыс тшыгөн найос колян,  
Эбөсыс нө налы сэссия-й кысь?

Кельдөдлісны челядь менам дзикөдз,  
Отсавнысө нинөмөн ог куж.  
Но друг кылі: «Воим ми Берлинөдз,  
Петкөдлім пеж Гитлерыдлы пуж».

Сьолөм менам радлунөн пыр ойдіс,  
Лоо, мися, челядь, нянь и шыд,  
Но лёк юөр бара сьолөм дойдіс:  
«Врагкөд косьын уси верөсыд».

Муніс нин войнаыд, важөн абу,  
Сөмын менө босьтлывлө на шог,  
Кодыр меным висьтавлывлө бабө  
Ассьыс войнадырся оланног.

## РУССА КАРЫН

О, Русса кар!  
Тэ сэтшөм гажа майын,  
Кор дзоридзьясөн уличьясид тыр...  
Гөрд обелискъяс дінө туйыс вайо,  
Дзик ни өти мед паметьсьым эз быр.

Со талун праздник, пасъям ми победа,  
Но коді усис, сійö оз нин лок,  
Кöть пызан саяд местаыд и шедас,  
Но оз тай збыльмы некор татшöм мог.

Ме пöрччи шапка, тöлыс юрси летö,  
А бандзиб йывті лэччö синва войт,  
Öд мекöд тшöтшъя зонка ловсö сетис,  
Мед менам олөм вöлі кызди мойд.

Он, косавны он тшöкты мунöм кадлы,  
Но, аддза, нывка вайис китыр цвет  
Да чöла шуис: «Тайö быд салдатлы,  
Код чорыд тышысь ловъяөн эз пет».

Войналөн оз нин шыав лыйсян горыс —  
Пыр ылынджыкöсь сыысь лунысь-лун,  
Но кодлөн олөм миян вöсна орис,  
Нач некор йöзлөн паметысь оз вун.

А ми вокöс кө коркө рөкыс суас,  
Россиялы кө ковмас миян вын,  
Быд зонка дедыс, батыс моз жö шуас:  
«Ми чужан муöс доръям ассыным».

### МЕДБÖРЪЯ СЫЛАНКЫВ

Морöс пытшкын сьöлөм тiпкө яра,  
Весиг сылөн чеччöм шыыс кылö,  
Кодыр кывза, кызди Виктор Хара  
Ассыс бөръя сыланкывсö сьылö.

Сылөн думыс ставнымлы зэв тöдса,  
Кöть и ачыс сійö вывті ылысь,

Сыланислы туйыс абу пӧдса —  
Сылӧ сійӧ аслас Чили йылысь.

Кӧсйис сійӧ, медым Чили весьтын  
Шонді улын дзордзалисны чветъяс.  
И ми эскам, сідзи ләис эськӧ,  
Эз кӧ властьсӧ босьтны пиночетъяс.

На ки помысь уна олӧм орис,  
Орис тшӧтш и Харалӧн-пӧэтлӧн,  
Сӧмын сылӧн мыла сылан горыс  
Эз тай кус, а став мир пасьта ветлӧ.

### МЕ — ПОГРАНИЧНИК

Ме пограничник, служба мунӧ —  
Граница видза лун и вой.  
Октябрьскӧй ыджыд праздник лунӧ,  
Кызд гортысь муні, тырӧ во.

Ме думӧн частӧ вола гортӧ,  
Кӧн мам да бать, кӧн чой да вок,  
Кӧн велӧдчи да ләи мортӧн,  
Кӧн некор меным эз вӧв шог.

Но велалі и овны татӧн,  
Мен тані тшӧтш ас чужан му.  
Кӧд вӧлі ме моз жӧ салдатӧн,  
Дерт, таысь мӧд нога оз шу.

Муслун — сійö медся мелі кыв,  
 Муслун — сійö шудыс нывлөн зонкөд.  
 Муслун — сійö мыла сьыланкыв,  
 Коді оз шед прөста, сідзи, донтөг.

\* \* \*

Быдөн дінö волö первой муслун,  
 Быдөн кывлö сьөлöмыслысь дой.  
 Сійö дойыс дыркодя оз куслы —  
 Узьтөг кольö лыдтөм-тшөттөм вой.

Думайтан сэк сөмын öти йылысь,  
 Коді торкис тэнсьыд чөскыд ун.  
 Думайтан да казьтылан тэ выльысь  
 Аддзысинныд кызди — первой лун.

Кажитчө, мый сытөг здук он вермы  
 Ньюжөдны тэ ассьыд шуда нэм,  
 Но он төд, он төд, мый колö керны,  
 Медым сійö кисö мыччис тэн.

Первой муслун быдөн дінö волö,  
 Сійö сөстөм, кызди вөрса ёль.  
 Сөмын татчө пасйыны тшөтш колö,  
 Мый оз быдөн пиын сійö коль.

## МЕД МЕДСЯ ЫДЖЫД БИЫС КУСЛӨ

Мед медся ыджыд биыс куслө,  
Да кольлө пөим бус...  
Мед сьөлөм пытшкын өзйис муслун  
И нэм помөдз оз кус.

Көть олөм нуас менө ылө,  
Да чизыртлас ён пуж,  
Тэ эскы меным, муса нылөй,  
Мый веськодълун оз чуж.

Ме тәнсьыд гөлөстө пыр кыла  
Да аддза тәнсьыд син,  
И та вөсна ме кык пөв вына —  
Мен кокни сьөкыдін.

Мед абу быд пөрийө тэ матын,  
Ог вунөд муслунтө.  
Ме мунны дась көть би пыр, ва пыр,  
Мед сөмын вөлін тэ.

## ГОЖӨМЫС ЭНОВТАС МЫЙӨН

Гожөмыс эновтас мыйөн  
Миянлысь войвывса му,  
Көдзыдыс дорас кыз йиөн  
Парматі визувтысь ю.

Сыкөд, код меным зэв муса,  
Коркө кө торъялам ми,  
Сьөлөмөс менсьым, кызд юсө,  
Дорас жө көдзыд кыз йи.

## ӨТПЫР АДДЗЫСЬЛИМ

Өтпыр аддзысьлим тэкөд — дзык өтпыр,  
Мөдысь аддзысьны көсйөм эз чин.  
Век на тшөкыда аддзыла вөт пыр  
Тэнсьыд лөзіник нюмъялысь син.

Поезд сувтіс,

ме чеччи,

и водзö

Сійö төвзис дзык быттьökö ньöv...  
Вөлі төдмасьны тэкөд, дерт, позьö,  
Но ме мыйлакö олі тай чöv.

Весиг нимтö ме тэнсьыд эг юав,  
Сöмын радлі да дивуйтчи пыр,  
Быттьö воті ме өмидз, зэв юмов,  
Да и чөсмаси сійөн вель дыр.

Өтпыр аддзылі тэнö — дзык өтпыр,  
Мөдысь аддзысьны көсйөм эз чин.  
Век на тшөкыда аддзывля вөт пыр  
Тэнсьыд лөзіник нюмъялысь син.

## ВАЛЯ

Ме ассым олан туйöс водзö таля,  
Да унджык йөзöс төдмала ме пыр.  
Со орчча сиктын олö нывка, Валя,  
Оз кыздкө-мыйкө —  
бура, сылігтыр.

То сійө нуо куканьяслы турун  
Да вомгорулас сьылө сьыланкыв.  
Ме эг и төдлы, кьдзи чужис юрын  
Дзик өти мөвп, мый тайө шуда ныв.

А збыль вылас... Ме төдмалі нин бөрас,  
Мый сьлөн дой эм өти сьөлөм шөрас:  
Медмуса мортыс муніс мөдарлань.

Но оз тай эрдөд сійө шогсө ассьыс,  
Та вөсна сөмын кылан мукөдъяссьыс,  
Мый тайө нылыс медся шуда ань.

\* \* \*

Төда: шондыс енэжсьыс вошө,  
Менам олөмөй лоө дзик руд,  
Көдзыд арөн сэк вежсяс жар гожөм,  
Кор тэ радейтны менө он кут.

Но и мөдтор ме зэв бура төда:  
Тэнад муслун кө мөд дорө эм,  
Тэнө китыд кутны мөй мөда?..  
Көть и сьөкыд зэв лоө сэк мем.

## И ТАДЗИ ОВЛО

Ме матыстчывны ныв дорө эг лысьт,  
Өд медся мича, мися, сиктын тайө.  
А өні көть и матыстчан да... кысь?!  
Кор петөмыд нин важөн верөс сайө.

Вежсис войвывлөн рөм,  
 Выльысь матыстчис тулыс.  
 Сявкйö-дзордзалö льөм,  
 Эжва сикт бердöдз туис.  
 Сöстөм енэжлөн йир,  
 Шондi югöрсö ыстö.  
 Лунтыр асывсянь пыр  
 Дзользьö ичöтик пыста.  
 Бара ставыс жö сiдз,  
 Кыдзи кольөм во вöли,  
 Гөгөр вөр-валөн мич,  
 Тiпкö тшöкыда сьөлөм.  
 Сöмын мыйкö тай оз,  
 Меным, буракö, тырмы...  
 Ог нин важкодя моз  
 Вермы тэ ордö пырны.  
 Шуны некымын кыв,  
 Тэныд козьнавны дзоридз...  
 Тэ öд первöйя ныв  
 Ликмин сьөлөмöй дорöдз.  
 Тэкöд торъялим ми  
 Көдзыд сьöd зэра арын.  
 «Эм кө сьөлөмад би,  
 Регыд аддзысям бара».  
 Тадзи шулин тэ мен,  
 И ме виччыси век öд,  
 Но эг йитöй тай нэм,  
 Кыдзи көсйысьлим тэкöд.  
 Ми эг аддзысьöй, эг,  
 Дзикöдз торъялим, нылöй!  
 Таысь тулыснас век  
 Сьөлөм доймöмöй кылö.

## МЕ ДУМАЙТИ

Ме думайти: коть муслун мейн эм на,  
Ог тэ динö ме сэсса некор лок,  
И сийö кусас дзикöдз торъялöмнад —  
Бөр важкодь лоö менам оланног.

Ак, кутшöма жö сорсыывлыны вермам  
Ас олöманым мукöд дырйи ми.  
Со колис гожöм, кисьтö арся зэр на,  
А тэ вöсна нин бара гажтöмчи.

Но гажтöмчöмыд абу муслун, мися,  
Мен прöста сöмын кажитчö, мый вися  
И сьёлöмын нин абу муслун би.

И сöмын сэк, кор лоин мöдлы гöтыр,  
Ме думыштчи дай гөгөрвои öтпыр,  
Мый ачымöс ме ёна пöръявли!

\* \* \*

Тэкöд аддзысим,  
Кыкөн аддзысим,  
Усис — бергаліс еджыд лым...  
Синмад видзöдны тэныд яндыси,  
Коть и морöсöй вöлі пым.

Кыкөн гуляйтім,  
Дыр зэв гуляйтім,  
Сöмын уна эг сёрнитöй, — эг!  
Мыйкö ас кежысь кыкнанным думайтім  
И зэв шудаöсь вöлімö сэк.

Тэ көсьян, мед мөвпгъясөн вөлі ме мича,  
 А тушаён статя да ён.  
 Тэ мясянь пыр ыджыдтор кутшөмкө виччан,  
 А лёксө, дерт, некыдзи он.

Но овлө и сідзи, мый джөмдывла коркө,  
 И шогалөм вайла тшөтш тэн,  
 Сэк скөрмывлан, төда, но чужөмөй нор кө,  
 Тэ киястө нюжөдан мен.

И бара жө. важ мозыд меным тэ эскан,  
 Мый олөмас лоа век бур.  
 Ме төждыся бур мортнас лонысө эськө,  
 Но сэтчө пыр туйыс оз сюр.

### ЭН МЕНӨ ВИД

Эн менө вид, кор овывла ме норөн,  
 Эн менө вид, а китө мыччы сэк  
 И, радейтан мый, шу мен мелі горөн,  
 Кыдз шулывлывлн сьөкыд кадө век.

Тэ аддзан, кыдзи кокни лоө меным,  
 Тэ аддзан, кыдзи петас кокни нюм.  
 И думыштан, мый некор сэсса — нэмын  
 Оз сулы менө свинеч сьөкта дум.

## ВЕТЛІ ЫЛЫС ВИДЗЬЯС ДОРӨДЗ

Ветлі ылыс видзьяс дорөдз,  
Кадыс эз вош весь.  
Вайи тэныд ки тыр дзоридз,  
Муса нылөй, сэсь.

Тэ друг быттьө öзйин-ловзин,  
Нюмъёвтыштін мен,  
Сэсся шуин: «Мича козин,  
Аттьө, зонмөй, тэн».

Меным долыд вөлі збыльысь,  
Юрын чужис дум:  
«Аски ветла на ме выльысь —  
Аддза тэнсьыд нюм».

\* \* \*

Частө овлывлө сідзи,  
Ызгө вына лөз гы,  
Но друг ар воас — йизьө,  
И оз кыв сылөн шы.  
Муслун ыпйө яр биөн,  
Но друг чизыртас пуж,  
И сэк тыдовтчас миян,  
Сылөн пыдын-ө вуж.

## А ОЗ МӨЙ ТАЙӨ ШУДӨН ШУСЬЫ?

Эз приданнойысь чегны шкапьяс,  
Ми тэкөд өтлаасим кор,  
Эз өшав стен кузяным тшапа  
Кыз дона бархатной ковөр.

Некымын стул да ичөт пызан —  
Став миян овмөс-оланін,  
Но эз тай дзугсьы олөмыс-а,  
Мый сэсся нөшта колө нин?

Мен вөлі долыд, кор тэ пусин,  
Тэн любө, отсаси кор тэн.  
А оз мөй тайө шудөн шусьы,  
Код миян олөманым эм?

## НЕ КӨ ТЭ

Не кө тэ, менам ныланөй-шонді,  
Ог төд олөмөс нюжөді кыз.  
Гашкө, сідзи жө кынмыны понді,  
Кызди төв шөрын дзик өтка кыз.

Не кө тэ, менам ныланөй-дзоридз,  
Менам сьөлөмын муслун эз чөж.  
Гашкө, муні ас олөмөй помөдз  
Да и шудтөмөн вөлі нэм чөж.

Не кө тэ, менам ныланөй-зарни,  
Эг тадз олөмөс гажаа ов.  
Гашкө, томысянь вуж вывсянь нярми,  
Не кө ме динө тэнад любов.

Тэ менö пинявлан он öтпыр,  
 Но ме век тэкöд — ог тай мун.  
 Кор скöрман, пöся шуа: «Гöтыр...»  
 И петас чужöм вылад нюм.

Кöть тэ и венö мекöд волан,  
 Мед!

Сийö абу на зэв лёк,  
 А лёкыс сэк, кор чöv тэ олан  
 И миян костö быдмö ёг.

#### МЕ БЫТТЬÖ ТÖРЫТ ВОЛІ ИЧÖТ

Ме быттьö тöрыт вöлі ичöt,  
 И сэки шуліс меным бать:  
 «Со, пиö, öшинь улын, видзöд,  
 Дзик тэ кодь тожö быдмö бадь.

А коляс кад, и быдмас сийö,  
 И сыкöд öттшötтш быдман тэ!»  
 И сідзи лой, öні кийн  
 Нин ассьым пиöс кута ме.

Тэнö аддзыны зэв ыджыд шуд,  
 Тэкöд сёрнитны меным зэв долыд.  
 Ассьыд муслунтö, нылук, эн кут,  
 Талун дзордзалысь льöм дорö волю.

Тэкөд важөн эг аддзысьлөй нин,  
Тэтөг өтнамөн шөгся да ола.  
Менам вежөрын пыр тэнад ним,  
Ёна виччыся!  
Кор нин тэ волан?..

### ТӨВЗЬӨ-ЛЭБӨ ТАКСИ

Төвзьө-лэбө такси,  
Сьод асфальт быттё мавтөма сирөн,  
Кольё туй индан визь,  
Коді пасйөма еджыд пунктирөн.

Кылі другысьөн — быз-з-з!  
Стеклө вылысыс ва чутъяс өктө,  
Тайё көлесаыс  
Выльысь, тыдалө, веськавліс гөптө.

Киын дзоридз букет,  
Лоо мусуклы любө, дерт, таысь,—  
Пола: эз усь көть мед,  
Быттё вөчөма вөсни хрустальысь.

Со и аэропорт,  
Пуксис-лайкмуніс төкөтё «Ту»-ыд...  
Менам медмуса морт,  
Вайис ме дінө вөлисти туйыд.

Олін войвылын тэ,  
Оз сыв сёр тувсов пөраөдз лым көн,  
Ассыд пось муслунтө  
Тэ эн кусөд — и бара ми кыкөн.

И ме висътавны рад,  
Став Му шарвывса йёзыслы öнi,  
Мортлөн медшуда кад,  
Сийöс крепыда кор радейтöны.

Тövзьö-лэбö такси,  
И быд морт эськö ме моз жö шуис:  
«Кутшöм шудаöсь ми,  
Мый эм олöмас аддзысян туйыс».

\* \* \*

Тэ кö мекöд орччөн —  
Медся шуда кад.  
Морöс пытшкöй сотчö,  
Сьölöмöй зэв рад.

Тэ кö меысь ылын —  
Торъявлывлам ми.  
Сьölöм менам сьлö,  
Кыдзи вöсни йи.

### КАД

Велалiм думайтны сiдзи:  
«Олöмын зэв уна лун,  
Талунъя лунсö кö видзи,  
Аския — прöста оз мун».

Кадсö тадз, ёртъяс, ми воштам,  
Асьнымöс öлöдам кор.  
Бöрынджык бөр эськö босьтан,  
Сöмын тай овлö нин сёр.

\* \* \*

Кольём вся лызь туй он нин вудж,  
Коді чукльөдлөмөн муніс кыддза расті...  
Талун кө тэ эн вөч ассьыд удж —  
Одвакө нин вөчны верман аски.

\* \* \*

Быд мортлөн аслас дум,  
Кор сійө пикө волө.  
Со өти ёртлөн оз пет нюм,  
Пыр зумыштчөмөн олө.

Мөд бөрдө ичөт кага моз,  
Ва нбылыд сійөс нуө.  
Со бара ньөбис вина доз  
И лунтыр дінгө-юө.

А коймөд оз тай өшөд ныр,  
Оз вөйысь морт моз шенась.  
Век өти лача кутө пыр,  
Мый бурыс лөксө венас.

\* \* \*

Век эськө көсьян овны бура,  
Мед эз вөв яндзим некор тэн,  
Но он и төдлы, кыдзи сюран,  
Көн олө чөртыс, а оз ен.

И, дерт жö, сэки шогö усян,  
Лётмунö морöс вылад юр,  
Став лёкнас видан асьтö гусьöн,  
Но веськыд туйыд пыр оз сюр.

Да, мортлы овны абу кокни...  
Ас олан туйсьыс кежлас кор,  
Сэк колö сылы воча локны,  
Мед эськö бöрас эз вöв сёр.

\* \* \*

Руд енэжыс и луныс талун руд,  
И сёлөмöйлы морöс пытшкын дзескыд,  
Вот шондi öнi петалис кö эськö,  
Ме сэки збыльысь шогсьыны эг кут.

Но шондi дырйи-д олас весиг гут,  
А шондiтöгыс видлы олан көрсö,  
Кор лым да зэр куш ветлö сёрсьöн-бёрсьöн,  
Вот видлы сэки нюмъөвт, а эн тут.

### ШУД

Оз быдöнлы на шудыд талун чукты,  
Оз быдöнлы на сийö мыччы ки.  
Оз пызан вылад некод сийöс пукты,  
А виччысьлывлам дасьöн сийöс ми.

Öд видзöдлан кö олөм вылас ёся,  
Пыр гөгөрвоан, төкөтьö кö сюсь,  
Мый шуд вöснаыд колö мунны косьö —  
Оз некор сийö енэж шёрсьыд усь.

Эн дур...

Павел Васильевич уджаліс завөн.  
 Мортые зэв лада — оз курит, оз ю.  
 Сійос, мый кузь киа, тōдісны ставөн,  
 Сōмын тай некод эз аддзыв, эз су.

Аслас машина и дачаыс эм жō.  
 Гожōмнас лунвылō ветлывлō век.  
 Мунігас асьсō дзик ас кодынас вежō,  
 Сэсся и пōттōдзыс шойччывлō сэк.

Воас и важ мозыс куралō водзō,  
 Вузавлō импортной краска «эмаль»,  
 Тайос пō донōнджык инавны позьō,  
 Абу о̄д менам пō, дзик абу жаль.

Вермис тадз кōин моз горшасьны дыр на,  
 Кытчōдз эз тшашнит народной контроль.  
 Шуисны чорыда: «Гусясин? Тырмас!  
 Бур йōзлы местасō тайос вай коль!»

Васька кань

Ошлōпан кодь Васька  
 Ошйисьлывліс пыр:  
 «Нōш кулакōн вачка,  
 Ставлōн разьсяс ныр».

Гортас збоявлывліс,  
 Джодж улас эз пыр.  
 Юаланнуд: «Мыйла?»  
 Сэні олō шыр.

## Выль мойд

Руч аддзис ракаѳс пу йылысь,  
Код сѣйс чѳскыд сыр.  
И мѳдїс ошкыны сэн сїѳс:  
«Тэ, зарни гѳлѳс, сьыв»...

А рака пуктїс сырсѳ бокѳ  
И кравзїс сылы сїдз:  
«Тэ колин олѳмсьыс нин, вокѳ,  
Сюсьлунтѳ аслыд видз.

Ме велѳдчи зэв зїля ВУЗ-ын  
И лои тѳлка-сюсь.  
Дерт, пѳрїѳдлыны коркѳ кужин,  
А ѳнї сыр оз усь».

## Кань

Кань кѳсїйс кыйны ѳтпыр шырѳс,  
Но паськѳдас на вом,  
А тэрыб шырыд розьѳ пырас —  
И кыйсьѳмыдлы пом.

Сэк каньыд мурзывлывлїс: «Сѳрми,  
Визь-зь-зь, визьнитїс, эз шед,  
Но велѳда ме йѳз му сѳрни  
И петкѳдла на тэд».

Кань сьѳкыдлунсѳ бура тѳдїс,  
Но кутїс асьыс кыв.  
И лун-мѳд мысти тѳдны мѳдїс  
Став шырѳьясыдлысь кыв.

Со дзэбсис сійӧ пельӧс сайӧ  
И сьылӧ: «Вайи сю.  
Лок, другӧй, ӧтвыв гыджгам тайӧ,  
А кӧсьян, гортад ну».

Шыр татшӧм сёрни кодыр кыліс,  
Пыр петіс сёйны нянь.  
А сәні сійӧс тшӧпкис-кыйис  
Ёсь гыжъя сера кань.

### Мӧвп

Рӧштшӧт водзын татшӧм мӧвп  
Пырлывлӧ мен юрӧ:  
«Гашкӧ, чышъян — мича, шӧвк —  
Пӧдругалы сюрӧ?»

Но кор сійӧ волас тай,  
Лавкаӧ ме муна.  
Сәні ёрткод тыртчам, дай  
Чышъяныд и вунӧ.

### Завидьтысь гӧтыр

«Суседка олӧ миян бура  
И петӧ менам завидьӧй.  
Со сійӧ кудритӧм гӧрд юра —  
Ме сыысь ылӧ кольчча мӧй?»

Ме сыысь нинӧмӧн ог торъяв,  
Эм сы кодъ жыр и гарнитур,  
Но меным кажитчӧ, мый торъя  
Век сылӧн эмбурыс зэв бур».

Но гөтырөс ме пыр и кыя,  
Кор тадзи норасьлывлө мен,  
Од йөзлөн няньыд векджык выя,  
Эн дөзмөд, мусук, асьтө, эн.

### Сьөлөмыд абу сёркни

Видзяс вылын лунтыр ытшкө  
Менам уджач милөйөй.  
Оз тай чукрась: «Кочөг бытшкө,  
Оз пө тырмы силаөй».

Татшөм саяд позьө петны,  
Нэмтө видзас акань моз.  
Сөмын мам-бать оз тай сетны,  
Оз пө артмы тысь гоз.

Тэн пө колө инженерөс,  
Мича дөрөм-гачаөс.  
Вот пө сийө лоө верөс,  
Видзас, быттьө чачаөс.

Муса батьөй, муса мамөй,  
Мый ті бара сөранныд?  
Шуа кө, мый тырмас сямөй  
Гортысь мунны — скөрманныд.

Энө панөй ковтөм сёрни,  
Инженерыд мен оз ков.  
Сьөлөмыд өд абу сёркни,  
Олө сы пытшкын любов.

## Путёвка

— О, Васьö, чолөм!  
— Да, чолөм, Миш.  
— Но кыдз нин олан?  
— Да, шуны дыш.

— А мый нө сідзи?!  
— Да, нинөм, вок,  
Кос кынті кыдзи,  
Мен лоис лөк.

— А мый нө, йөюк,  
Тэ пөжсян тан,  
Сверхзвукөвөй өд  
Эм ероплан.

Кык час — и воан,  
И аддзан юг.  
Сэн лечман — лоан  
Бөр өш кодь, друг.

Эн жалит сьөмтө,  
Эн скупөн ло!  
— Да, мый нө йөй ме,  
Ог гөгөрво?!

Өд медым мунны  
Да овны сэн,  
Путёвка нуны  
Тшөтш колө мен.

А сійө кытысь?  
Он некысь босьт!  
Көть панлі кыкысь  
Профкомкөд кось.

Сэн Ольош Ивö  
Медыджыд юр.  
Пыр шуö: «Дивö,  
Оз нинöм сюр.  
Путёвка абу,  
Та вылын пом.  
Да тэ на, майбыр,  
Со меысь том.  
Тэ висьöм венан,  
Эн шогсы — эн.  
Путёвка менам  
Оз вичмы тэн».  
Тадз меным шуö,  
А локтас мöд.  
Доз ськöд юас —  
И югад мöд.  
— А тэ нö, Васьö,  
Мый тшöтш он ю?!  
Путёвка дасьöн,  
Дерт, тэн оз сюр.  
— Но кыз нö ськöд  
Ме юа доз,  
Кор висьö гыркöй  
Да-й бытшкö кос.  
Оз позь пö юны,  
Мен шуö врач...  
— Но сідзкö кувны  
Тэн ковмас тадз.

### **Сьөлөмшөрöй, муса нылöй**

Сьөлөмшөрöй, муса нылöй,  
Тэкöд торьялим,  
Но век тэнсьыд гөлөс кыла,  
Кызди сёрнитлим.

Некыдз вунодны ог вермы  
Тэнсьыд чужомбан.  
Вөлі быттьокө ме йорма,  
Кор тэ видзөдлан.

Тэкөд торъялім ми кыдзи,  
Лои быттьо джын.  
Некод оз ков тэысь кындзи —  
Отнад сьолөмын.

Кадыс водзө кыссьо-мунө,  
Тэтөг йойма нач.  
Прөста сьолөмтө оз шуны:  
«Абу көчамач».

### Петук

Позьö кывны вөлі сылысь:  
«Ме тан медся бура сьылысь,  
Во-мөд мысти лоа колип!»  
Но сідз петукөн и колис.

### Көч

Көч бөрся көин вөлі вөтчө,  
Көч шуис: «Ог ло отпыр көчөн!»  
Зэв ыджыд босьтис киас палич,  
И разис көинлысь вом калич.

### Порсь да көза

Порсь аддзис көзаөс отпыр  
И рукөстис: «Ло меным гөтыр».  
А көзаыс баксө: «Тэ порсь!  
И гөтыртө ас кодьтө корсь».

## Катшаяс

Кык катша китшкӧны дзонь лун,  
Кыз тӧрыт коли налӧн рытыс,  
Бур импорт паськӧм сюрис кытысь —  
Дзик нинӧм висьтавыны оз вун,  
А часі стрелка вит час вуджис —  
И бара помасьсӧма уджныс.

## Концерт

Век пурсисны кык пон,  
Код кодӧс ёнджык пурас...  
Эз некод мынтыв дон —  
Концертыс муніс бура.

## Ыж

Мед воны ыджыд чинӧ,  
Ыж пырис велӧдчыны,  
Но петіс сэсь бӧр ыжӧн,  
Кыз вӧлі важӧн, ныжӧн.

## Руч

Быд сьӧлӧм динӧ кутліс ключ  
Гӧрд бӧжа, мелі кывъя руч.  
И кӧинкӧд, и ошкӧд дурис,  
А бӧрас сэсся гӧрбас сюрис.

## АВТОРЪЯС ИЫЛЫСЬ

### Александра Мишарина

Александра Петровна Мишарина чужліс 1946 вося декабрь 19 луно Корткерөсскөй районса Ыджыдвидз сиктын. 8 класс помалом бөрын велөдчис Сыктывкарскөй педучилищын. Сы бөрын велөдис квайт во чужан сиктас. Оні уджалө «Войвыв кодзув» журнал редакцияын.

Гижны заводитис педучилищын велөдчигас на да саксянь активнөя пырөдчө литератураө.

### Виктор Напалков

Виктор Егорович Напалков чужис Усть-Куломскөй районса Жежим деревняын 1939 воын. Медым помавны дас класс, сылы ковмис велөдчыны Жежимын и Донын, Керчомьяын и Усть-Куломын. А сак, кор велөдчис Ухтаса лесотехнической техникумын, «Войвыв кодзув» журналын да «Югыд туй» газетын вөлі йөзөдөма сылысь медводдза кывбурьяс.

1960 восянь В. Напалков журналистскөй удж вылын — вөлі Усть-Куломскөй да Корткерөсскөй районной газетьяс редакцияеын ответственной секретарөн,

телевидениелөн Сыктывкарской студияын редакторён, а öни — республиканской радиоса редактор. В. Напалков — 1964 восянь СССР-ысь журналистяс Союза член.

1974 воын автор йöзöдiс «Войвыв кодзув» журналын «Козьनाव мортлы муслун» повесть. 1975 воын Коми книжной издательство лэдзис сылысь челядьлы лыддьöм вылö «Миян Пиля дед» кывбура книга.

Автор водзö уджалö и поэзия, и проза юкöнын.

## Александр Некрасов

Александр Васильевич Некрасов чужлис Сыктывдин районса Паль сиктын 1952 воын. Челядь дырыс колис сийö жö районса Позялом посёлокын, а 1965—1967 воясö А. Некрасов велöдчис Ленинградса школа-интернатын. 1970 воын помалис ГИТУ (электромонтажниклысь специальность босьтiс) да ДОСААФ бердын шофёръяслысь курсъяс. 1972 воын, рытъя средней школы помалöм бöрын, пырис Сыктывкарса университетö, а сэсся сийöс вуджöдiсны Ленинградса университетö, журналистика факультетö.

Гижны заводитiс школаын велöдчигас на. Медводза кывбур вöли йöзöдöма «Войвыв кодзув» журналын (1972 во, № 8).

## ЮРИНДАЛЫСЬ

### АЛЕКСАНДРА МИШАРИНА

#### Тэ менам — кок ув му

Гожом . . . . .	7
Сиктса челядьлы . . . . .	7
Төвся асыв . . . . .	8
«Морт олөмын овлөны здукъяс» . . . . .	9
Ёль . . . . .	9
Кывъяс . . . . .	9
Локтө тулыс . . . . .	10
Школаын . . . . .	10
«Видза олан, гажа тулыс!» . . . . .	11
«Коми муой менам дженьыд гожомъяса» . . . . .	11
Меным уна оз ков . . . . .	12
«Тэон шуом дзик быд кыв мем дона» . . . . .	12
«Көдзыд! Лэбачьяс лэбигас кынмөны» . . . . .	12
«Сотис шондыс, потласис муыс» . . . . .	13
Войыв дзоридз . . . . .	14
«Кор тэ инмин менам сьөлөмө» . . . . .	14
Буждысь коз . . . . .	14
«Эз эськө шондыс тадзисө нюмъяв» . . . . .	15
«Медся ёна веськодьлунысь пола» . . . . .	15
«Эм саридз менам — олөм» . . . . .	15
Мам . . . . .	16
«Ловзьөд, тулыс, шоръяссө» . . . . .	16
«Менам сьөлөмөй бурлунөн ойдөм» . . . . .	16
Зарний менам . . . . .	17
«Нюмъяв меным асья кыа нюмнад» . . . . .	17
«Комынөд ар нин со» . . . . .	17
«Тэно зарнийн кө шуа» . . . . .	18

«Оти тулыс мисьтөмджык кө лоӧ» . . . . .	19
Зэра ар . . . . .	19
«Коми муӧй, сьӧлӧмщӧрӧй» . . . . .	20
Ёртлы . . . . .	21
«Тэ кө менӧ гӧгӧрвоан» . . . . .	21
Менам сьӧлӧм . . . . .	22
«Мыйла нӧ олӧмыс» . . . . .	22
«Кӧсий тӧнӧ вунӧдны» . . . . .	23
«Кодкӧ ошйысьӧ аслас мичлунӧн» . . . . .	23
Менам шондӧбан . . . . .	24
«Усьысь лымыйыс оз шедӧдчы киӧ» . . . . .	24
Авъя ныв . . . . .	24
Муслун . . . . .	25
«Тэ сӧмын ӧтчид ылӧдлыны кужин» . . . . .	26
«Медся мича, медся авъя» . . . . .	26
«Эг тӧнӧд ме кывбуръяс силы» . . . . .	27
«Бокӧ лун кезлӧ кӧть муна» . . . . .	28
Вежны позьтӧм му . . . . .	28
«Мем кодкӧ, гашкӧ, шуас» . . . . .	29
Вежсьӧм . . . . .	29
«Бурлункӧд лӧклуныс орчӧн на олӧ» . . . . .	30
Горттӧм пон . . . . .	30
«Мыйӧнкӧ тэ воин сьӧлӧм вылӧ» . . . . .	31
«Сувтны эськӧ пелысьӧн» . . . . .	31
«Турӧб! Турӧб!» . . . . .	32
Асыв . . . . .	33
«Мыйкӧ окота мелӧс шуны» . . . . .	33
Февраль . . . . .	34
Тувсов шондӧ . . . . .	34
«Медым ывлаыс кө букыд» . . . . .	35
«Тэсянь письмӧ волӧ шоча» . . . . .	35
«Мыйла муслунӧс оз кынты кодзыд тӧлыс» . . . . .	36
Еджыд халата аньяслы . . . . .	36
Праздникӧн! . . . . .	37
Менам велӧдысьлы . . . . .	38
«Вӧчны кө, вӧчны» . . . . .	38
Шондӧлань быдмӧг моз тэланьӧ кысси» . . . . .	39
Виччысьтӧм тӧв . . . . .	40
«Мыйла оз нюмъявны арлы?» . . . . .	40
Эмӧсь кодзувъяс . . . . .	41
Тэ менам — кок ув му . . . . .	41

# ВИКТОР НАПАЛКОВ

## Менам лов шы

«Лыдтөм кодзулөн пөртмасысы енеж...»	49
Менам парма	49
«Көть и омлявлө вой төв...»	50
«Кымөр сайсянь со горзоны дзодзөгъяс...»	51
«Шонді мыччыслө зэв шоча...»	51
Ключ ва	52
«Частө воывла думысь...»	53
Ми-вок пыді вужъя	54
Видз вылын	56
«Чужан сиктыд — кага потан...»	56
«Вөртас весьтын шонді кусө...»	57
«Озыр миян Коми муным...»	57
«Энө узьöй водз асывсö, энöй...»	58
Дөва	59
Гымнөла зэр	60
«Прөстит, бать, коми пармалөн пи...»	60
Портрет	61
Вит тополь	62
Руд изйысь ловзёдөм салдат	62
Мам	64
Сиктса паркын	64
«Частө дум вылө челядь дыр волө...»	65
«Мед олөмөйлөн би кинь эз кус дыр...»	66
«Гажа ягъясті дыр ветлөм бөрын...»	67
Ваймывтөм гажöй	67
«Сэзь енеж шөрө төлысь джын...»	68
«Йи тасысь мездмөм вильыш ю...»	68
«Еджыд кымөр — нистөм вурун...»	69
«Нель пөдруга — нель кызд пу...»	69
«Вөр-ваын мортыдлөн...»	70
Кулөмъю	71
«Кыа петигөн, көканöй, көк...»	72
«Лэбачьяс шы ни ру узьöны...»	72
«Томдырся олөмыд — бордъя шань вояс...»	73
Сыланкыв	73
«Коскөдз көсаа...»	75
«Лөнъ тыысь гумовта кыа...»	76
«Шоныд рытө кывтыд помын...»	76
Ылалөм верөслы письмө	77
Бара мөдөдча туйö ме, бара	79
Зарни томлуной өвтчө со мен	80

Сёрөн казялі...	81
Колип . . . . .	81
«Муслуныд...» . . . . .	82
«Мый сиа ёртлы чужан луно?...» . . . . .	83
«Дерт, олөмыслысь од он тывйышт ни он кут...» . . . . .	83
Пушкинлы памятник дорын . . . . .	84
«Быттьо став карыс Неваод кывтө...» . . . . .	84
«Пось чолөм тэныд, эзысь Волга...» . . . . .	85
Дуб пу дорын . . . . .	86
Чёрной море . . . . .	87
Гуцулъяслөн сиктын . . . . .	89
Карпатъясса туй кузя . . . . .	90
«Туйвежъяс — найо кызд вир сөнъяс...» . . . . .	91

## АЛЕКСАНДР НЕКРАСОВ

### Тувсов зэр

«Мед ме унасө эг кө на вөч...» . . . . .	95
Коми муой менам . . . . .	95
Коми йоз . . . . .	96
Коми кыв . . . . .	96
Мыйла тэ коми? . . . . .	97
Университет . . . . .	98
Ме Ленинградын öнi ола . . . . .	98
«Кор ветлөдлi ме Нева дортi...» . . . . .	99
Блокада . . . . .	100
Пискарёвскöй кладбище вылын . . . . .	100
Виль олөм . . . . .	101
Лэбачъяс . . . . .	102
Видза олан, Сыктывкар! . . . . .	102
«Бара ывла вылын шляча...» . . . . .	103
Радейта тулыс . . . . .	104
«Вушйö туйяс вылысь лым...» . . . . .	104
«Көдзыд төлыд бара мунiс со...» . . . . .	105
Тувсов зэр . . . . .	105
«Мыччис йывсö нэриник петас...» . . . . .	106
Көн нуö ассьыс лөзов гыяс Эжва . . . . .	106
Гортын . . . . .	107
Муса мамöй, шондiбанöй . . . . .	107
Мамлы празник лун . . . . .	108
«Кор вöлi на ме кутюпиөн...» . . . . .	109
Завидьтылi воклы . . . . .	110

Строительной миян отряд . . . . .	110
Колана удж . . . . .	111
Рытъя школа . . . . .	112
«Баракъяс войомаось лымайо...» . . . . .	113
Сонет . . . . .	113
Сиктын оло бабё . . . . .	114
«Со колис лун, и пуксис вой...» . . . . .	115
Коді тодас . . . . .	115
Страдна . . . . .	116
«Кор локта аслам сиктё...» . . . . .	117
Тшака зэр . . . . .	118
Кодзыд войвыв шоча овлө мелён . . . . .	119
Арся кад . . . . .	120
Кор вөлі ичөт . . . . .	120
«Йирсьоны мосьяс бура...» . . . . .	121
Обё . . . . .	121
Томдырся кад . . . . .	122
Эм ты . . . . .	122
Мөд сонет . . . . .	123
Шондiban . . . . .	124
Африкан . . . . .	125
Висьтавлывлө бабё . . . . .	126
Русса карын . . . . .	126
Медбөръя сьыланкыс . . . . .	127
Ме — пограничник . . . . .	128
Муслун . . . . .	129
«Выдён динё волө первой муслун...» . . . . .	129
Мед медся ыджыд биыс куслө . . . . .	130
Гожомыс эновтас мыйён . . . . .	130
Отпыр аддзысьлім . . . . .	131
Валя . . . . .	131
«Тода: шондiыс енежсьыс вошö...» . . . . .	132
И таdzi овлө . . . . .	132
Вежсис войвывлөн рөм . . . . .	133
Ме думайтi . . . . .	134
«Тэкөд аддзысим...» . . . . .	134
Тэ көсьян . . . . .	135
Эн менö вид . . . . .	135
Ветліс ылыс видзьяс дорөдз . . . . .	136
«Частö овывлө сідзи...» . . . . .	136
А оз мой тайö шудөн шусьы? . . . . .	137
Не кө тэ . . . . .	137
«Тэ менö пинявлан он отпыр...» . . . . .	138
Ме быттö тöрыт вөлі ичөт . . . . .	138
«Тэнö аддзыны зэв ыджыд шуд...» . . . . .	138

Товзьо-лэбё такси . . . . .	139
«Тэ кө мекөд орчён...» . . . . .	140
Кад . . . . .	140
«Кольём вося лызь туй он нин вудж...» . . . . .	141
«Быд мортлөн аслас дум...» . . . . .	141
«Век эськё көсьян овны бура...» . . . . .	141
«Руд енэжыс и луныс талун руд...» . . . . .	142
Шуд . . . . .	142
Серамбана гижөдъяс . . . . .	143
Авторъяс йылысь . . . . .	151

32255

ИБ № 119

Мишарина Александра Петровна, Напалков Виктор  
Егорович, Некрасов Александр Васильевич

## ТРИ ПЕСНИ

Стихотворения

На коми языке

Художник А. М. Гаранин

Редактор В. А. Попов. Художественный редактор  
А. В. Мошев. Технический редактор А. Н. Вишнева.  
Корректоры Е. П. Сидорова, Э. С. Греггер.

---

Сдано в набор 1/X-1976 г. Подписано к печати 6/I-1977 г.  
Формат 70×90<sup>1</sup>/<sub>32</sub>. Усл. печ. л. 5,85; уч.-изд. л. 5,56.  
Заказ № 6996. Ц00801. Тираж 2500. Бумага № 2. Цена 74 коп.  
Коми книжное издательство. Сыктывкар, Дом печати.

---

г. Сыктывкар, Республиканская типография Управления  
по делам издательств, полиграфии и книжной торговли  
Совета Министров Коми АССР.

С (Коми)

М 71

**Мишарина А. П., Напалков В. Е., Некрасов А. В.**

М 71 Куим сыланкыв. Кывбурьяс. Коми книжной изд., Сыктывкар, 1977.

160 лб.

Куим том коми поэтлӧн ӧтласа книга. Коми му да сылӧн аслыспӧлӧс мич, войнаборся томлун, медводдза муслун, верстаммӧм войтырлӧн видзӧдласӧн важсӧ казъгылӧм да аскиӧ сюся видзӧдӧм, ас ног шудсӧ и дойсӧ кылӧм — тайӧ да мукӧд темаяс гартчӧны том гижысьяс перӧ улын. Куимнаннӧс уна гижӧны сӧстӧм сьӧлӧма йӧз йылысь, бурас ышӧдысь-кыпӧдысьяс йылысь. Кындылун, томлун, югыдлуи, визувлун тӧдчӧ том поэтыаслӧн кывбурьясын. Но кызвыннас кывбурьясыс абу ӧтарӧ банабсь, абу сӧмын долыдпырысь тӧчӧмаяс. Олӧм вылас стрӧппырысь видзӧдлӧмыс ясыда тыдӧвтчӧ.

С (Коми)

М  $\frac{0745 - 002}{М 128(03) - 77}$  27—77 м

© Коми книжное издательство, 1977

